

四庫全書

子部

欽定四庫全書

子部

御定淵鑑類函卷四百三十六

詳校官鴻臚寺少卿臣梁景陽

主事_臣祁韻士覆勘

總校官進士_臣繆琪

校對官中書_臣張曾效

謄錄監生_臣趙位堂

欽定四庫全書

御定淵鑑類函卷四百三十六

獸部八

羊

狗

豕

增貓

羊一

原說文曰羊祥也

一作詳

象四足角尾之形孔子曰牛羊

之字以形舉

增埤雅曰𦍋𦍋也𦍋其美成而後足用

又曰羝性好觸突故從抵省字從抵省音從抵者以

低其角然後能抵突故也

原爾雅曰麋大羊

音需似羊而大

角圓銳好
在山崖間

羴如羊

似羊而大
角出西方

羊牡羴

音墳
牝羊夏羊
羴

牡羴

羴黑
斑

牝羴

今以牝羴為
白黑羊名

羴羊黃腹未成羊羴

音竹
詩云

肥羴俗云

絕有力奮羊六尺為羴

羴羊馬尾今大月支
國有大羊馬尾尸子

五月羊

曰大羊為

說文曰咩

音弭

羊鳴也羔羊子也羴五月生

羴六尺

羔也羴犍六月生羊也羴

恥達反

七月生羊也羴

音北

羊未

卒歲也

又曰牂牝羊也羴

扶分反

牡羊也羴

因几反

乘羊

也羴

扶員反

黃腹羊也羴

猗間反

羊名也

廣雅曰吳羊牡

一歲曰牡羴三歲曰羴其牝一歲曰牂羴三歲曰牂吳

羊牯

居謁反

曰縛

蒲各反

殺羊牯曰羯牽犖羴羴

思究反

羔也

增類說曰羴根羊也

原崔豹古今注曰羊一名長

額主簿

增博物志曰羊而不角呼殺羊一名胡額郎

一名青烏

原易曰兌為羊

又曰羴羊觸藩羴其角

毛詩曰爾羊來思其角戢戢

聚其角而息戢戢然

周禮曰賓

客則羊人供法羊

法羊食糈積膳之羊

又曰羊人掌羊牲凡祭

祀飾羔祭祀割羊登其首

登首報陽也升首於室

凡祈珥供其羊

牲若牧人無牲則受布於司馬使其買牲而供之

布泉也

禮記曰凡祭宗廟之禮羊曰柔毛 內則曰羊泠毛

而羴羴

泠毛長羴結總也

山海經曰羴羊尾如馬尾出錢來

之山

藏音鍼玉篇作五咸反

增穆天子傳曰春山大羊食鹿豕

南史曰江東謂殺羊角為阜莢 原涼州異物志曰

封羊其背如駝 廣志曰驢羊如驢 增宋永初山川

記曰九真都龍縣有電鷹羊大如犛牛 桂海獸志曰

絲羊出邕州溪洞及諸蠻國與朔方羊不異 原春秋

繁露曰凡贄卿用羔羔有角而不用如好仁者執之不

鳴殺之不號類死義者羔飲其母必跪類知禮者故羊

之為言猶祥故以為贄 增尸子曰羊不任駕鹽車

太玄經曰觥羊之殺鳴不類 原譙周法訓曰羊有跪

乳之禮雞有識時之候鴈有庠序之儀人取法焉 鄭

氏婚禮謁文贊曰羣而不黨跪乳有儀禮以為贄吉事

之宜 白澤圖曰羊有一角當頂上龍也殺之震死

龍魚河圖曰羊有一角食之殺人 瑞應圖曰鍾律和

調五聲當節則玉羊見 地鏡圖曰金百斤以上至三

百斤精如羊者 玄中記曰千歲之樹精化為青羊
增述異記曰梓樹之精化為青羊又百年而紅又百年
而黃又五百年而色蒼又五百年而色白 原雜五行
書曰懸羊頭門上除盜賊 博物志曰胡蕙蜀中本無
洛中人有驅羊入蜀者胡蕙子著羊毛蜀人取種因名
曰羊負來又外國得胡麻豆或曰戎菽 又曰蛟羊似
羊而無角噉之毒 增玄中記曰羈胡羊也羝羊腊也
似羊四耳九尾目在背 卞彬禽獸洩錄曰羊性淫而

很 齊民要術曰羊有疾輒相汗 酉陽雜俎曰濮固

羊大而美 瀛海勝覽曰忽魯謨斯國羊有四種大尾

綿羊重七八十斤其尾闊一尺餘拖地重二十斤狗尾

羊如山羊尾長二尺餘鬬羊高二尺七八寸前截毛長

拖地後半皆翦淨頗似縣羊角彎向前上帶小鐵牌好

鬬好事者養之賭博為戲 又曰阿丹國縣羊白毛無

角於角處有兩搭圓黑甚異其項下如黃牛袋毛短如

犬尾大如盤 陶穀清異錄曰馮翊產羊名白沙龍膏

嫩第一言飲食者必推馮翊白沙龍為第一 膳夫錄
曰羊有二種不可食毛長而黑壯者曰骨羶白而有角
者曰古羊皆羶臭發病羊之大者不過五十斤奚中所
產者百餘斤 格物論曰羊有褐白黑三色亦有青者
南人所罕見 夷堅志曰西戎用羊卜謂之跋焦以艾
灼羊髀骨謂之死跋焦又有先咒粟以食羊羊食粟則
自搖其首乃殺羊視其五藏謂之生跋焦 武珪燕北
雜記曰契丹行軍不擇日艾和馬糞於白羊琵琶骨上

炙破便出行不破即不出

羊二

原毛詩曰羔羊鵲巢之功致也召南之國化文王之政
在位皆節儉正直德如羔羊也羔羊之皮素絲五紵退
食自公委蛇委蛇列仙傳曰葛由者羌人周成王時
好刺木作羊賣之一旦騎羊而入蜀蜀中王侯遣人追
之上綏山山在峨嵋山西南無極隨之者不得還皆得
仙道山上有桃故里諺曰得綏山一桃雖不得仙亦足

以豪山下立祠 毛詩曰無羊宣王考牧也

厲王時牧人廢宣王

復誰謂爾無羊三百維羣

左傳曰華元殺羊食士其

御羊斟不與及戰曰疇昔之羊子為政今日之事我為

政與入鄭師故敗

又曰楚子圍鄭鄭伯肉袒牽羊以

逆曰孤不天不能事君使君懷怒以及敝邑孤之罪也

又曰昔有攘羊者以羊頭遺晉叔向向母埋之不食

後三年攘羊事發追捕向家檢羊骨肉都盡惟有舌在

國人異之遂以羊舌為族

論語曰子貢欲去告朔之

釼羊子曰賜也爾愛其羊我愛其禮 又曰葉公語孔

子曰吾黨有直躬者其父攘羊而子證之孔子曰吾黨之直者異於是父為子隱子為父隱直在其中矣 孫卿子曰仲尼將為魯司寇沈猶氏不敢朝飲其羊 家

語曰季桓子穿井獲如土缶其中有羊焉使問仲尼對曰以丘所聞非羊也木石之怪夔魍魎水之怪龍罔象土之怪犢羊也 增韓詩外傳曰魯哀公使人穿井三月不得泉得一生羊焉公使祝鼓舞之欲上於天羊不

能上孔子見曰水之精為玉土之精為羊此羊肝土也

公使殺羊視肝即土 原列子曰楊朱見梁惠王言治

天下如運諸掌王曰先生有一妻一妾而不能治三畝
之園而不能耘言治天下何也曰君見夫牧羊者乎百
羊為羣使五尺童子荷箠而隨之欲東而東欲西而西
使堯牽一羊舜荷箠而隨之則不能前也 增又曰楊
子之鄰人亡羊既率其黨又請楊子之豎追之楊子曰
噫亡一羊何追者之衆鄰人曰多歧既返問獲羊乎曰

亡之矣曰何為亡之曰岐路之中又有岐焉吾不知所
之所以返也 原莊子曰臧與穀二人相與牧羊而俱
亡其羊問臧奚事則挾策讀書問穀奚事則博塞以遊
二人事業不同其亡羊均也 神仙傳曰皇初平年十
五家使牧羊有道士見其良謹便將至金華山石室中
四十餘年忽然不復念家其兄初起行索初平歷年不
得後見市中有道士乃問之道士曰金華山中有牧羊
兒姓皇字初平兄乃隨道士與初平相見語畢問羊何

在云在山東兄往視但見白石不見羊平曰羊在耳兄
自不見平乃往言叱叱羊起於是白石皆起成羊數萬
頭漢書曰楚懷王孫心在人間為人牧羊項梁立為
懷王史記曰盧綰與高祖俱學書相愛里人賀兩家
以羊酒增埤雅廣要曰沛公始為亭長夢逐一羊拔
角尾皆落辨者曰羊去角尾乃王也金樓子曰修羊
公於華山陰以道干景帝禮遇之數歲道不可得有詔
問修羊公語未訖於牀上化為白石羊題其脅曰修羊

公謝天子後置石羊於通靈臺 原史記曰卜式者河
南人式有少弟式脫身出分獨取畜羊百餘田宅財物
盡與弟式入山牧十餘歲羊致千餘上曰吾有羊在上
林中欲令子牧之式乃拜為郎布衣草蹻而牧歲餘羊
肥息上過見其羊善之式曰非獨羊也治民亦猶是也
惡者輒去無令敗羣上以式為奇拜緱氏令 漢書曰
蘇武往使匈奴匈奴知武不可降使北海上無人處牧
羝羊下乳乃得歸武處海上杖漢節牧羊臥起持節旄

盡落 又曰路溫舒鉅鹿人父為里監門使溫舒牧羊

溫舒取澤中蒲截以為牒編用寫書 搜神記曰宣帝

時陰子方者至孝有二息嘗臘日晨炊而竈神形見子

方再拜受慶家有黃羊因以祀之自是暴至巨富子方

嘗言我子孫必將強大至識三世而遂繁昌故後常至

臘日記竈而薦黃羊焉 東觀漢記曰甄宇北海人建

武中為州從事徵拜博士每臘詔令曰賜博士羊羊有

大小肥瘠博士祭酒議欲殺羊稱分其肉宇曰不可又

欲投鉤復恥之宇因先自取其最瘦者由是不復有爭
訟後召會詔問瘦羊甄博士因以號之 神仙傳曰曹
公收左慈慈走入羣羊中失慈所在追者疑化為羊乃
令人數羊羊本千口揀之長一口知果化為羊乃謂曰
若是左公者但出無苦也有一羊跪云詎如許追者欲
執之於是羣羊皆跪曰詎如許追者乃去 魏志曰楊
俊同郡王象疎少孤特為人僕隸年十七八見使牧羊
而私讀書因獲捶楚俊美其才質即贖象著家聘娶立

屋然後與別象官至散騎常侍 又曰衛玠少時乘白

羊車於洛陽市市人觀之咸曰誰家辟人於是名聞州

黨遂號曰辟人 增晉書曰武帝平吳後多內寵莫知

所適當乘羊車恣其所之至便宴寢宮人乃取竹葉插

戶以鹽汁灑地而引帝車 原幽明錄曰洛下有一洞

穴不測有一婦欲殺夫推夫下經多時至底乃得一穴

匍匐行數十里漸見明曠郭郭宮館金寶為飾明踰三

光人皆長三丈被羽衣如此九處至最後訴飢長人指

中庭大柏樹近百圍下有一羊令跪持羊鬚捋之得一珠長人取之次亦取後將令噉即療飢乃問詣九處名及求住荅曰君不得停還問張華當知乃復行出交州還洛問華華曰九處地仙名九館大羊為螭龍初一珠食之與天地等壽次者延年後者充飢而已 搜神記曰南陽宗定伯夜行忽逢一鬼鬼問伯為誰伯欺之曰吾亦鬼也遂為侶向宛行倦因相擔問鬼曰鬼何畏曰鬼唯不喜唾耳欲至宛便擔鬼著頭上詣宛市鬼化為

羊伯恐其變遂唾之因賣得錢千五百買者將還繫之

明旦見繩在時人語曰宗定伯賣鬼得錢千五百王

隱晉書曰王尼嘗為兵洛中名士王澄胡毋輔之等齎

羊酒詣護軍門吏請見將軍澄等先過尼炙羊飲酒訖

徑去將軍聞之與尼長假增太元起居注曰劉毅諷

羊琇乘羊車請免官詔曰羊雖無制非素乘者如其奏

原續搜神記曰顧霈者吳之豪士送客置酒有一沙

門在坐主人殺羊羊繩斷便走來入道人膝中穿頭入

袈裟下道人不能救即將去殺之既行灸主人便先割以噉道人道人食灸下喉便自行道人皮中痛毒不可忍呼醫來鍼之以數鍼貫其灸猶動搖乃破出之故是一臠肉耳道人於此得病作羊鳴少時便死 增南史曰宋文帝好乘羊車經諸房潘淑妃每密令左右以鹽汁水灑地帝每至戶羊輒舐地不去帝曰羊乃為汝徘徊況於人乎 宋陶穀清異錄曰天后好食冷修羊賜張昌宗冷修羊手札曰珍即殺身以奉國 孔帖曰王

君鼻破吐蕃於青海西張說識其且敗因上雋州鬪羊
於帝以申諷諭曰使羊能言必將曰鬪而不解立有死
者所賴皇仁並茂量力取勸焉 宣室志曰李德裕為

太子少保分司東都嘗召一僧問己之休咎僧曰公災
當南行萬里公曰南去遂不還乎僧曰當還耳公究其
事對曰相公平生當食萬羊今食九千五百矣所以當
還者未盡五百羊耳公慘然而歎曰吾師果至人我元
和十三年為丞相張公從事於北都嘗夢行晉山見山

上盡目皆羊有牧羊者十數迎拜我因問牧羊者牧者
曰此侍御平日所食羊吾嘗識此夢不洩於人今者果
如師之說耶後旬餘鎮武節度使朱暨遣使致書於公
且饋四百羊公大驚即召僧告其事僧歎曰萬羊將滿
公其不還乎公曰吾不食之亦可免耶曰羊至此已為
相公所有公戚然不悅旬日貶潮州司馬連貶崖州司
戶竟歿於荒裔唐五行志曰僖宗乾符中洛陽建春
門外暴雨有物墮地如殺羊不食頃之入地中其跡月

餘不減或以為雨工也占曰當旱 靈異傳曰柳毅遇

洞庭女牧羊曰吾不知子之牧羊何所用哉神祇豈宰

殺乎女曰非羊也雨工也何謂雨工曰雷霆之類也毅

復視之則皆矯顧怒步飲齧甚異而大小毛角則與羊

無異焉 南唐書曰黃載字元吉精究經史遂不復進

取肄業之士多從之諸生醵會市羊以備饌載夢一羊

前跪請命晨出見羊跪伏如所夢載以已緡償諸生而

畜其羊又畜一犬亦頗馴出入則羊犬聯隨潭倅夏中

正為作羊犬仙序以記其事 清波雜志曰宰相張齊

賢布衣時嘗遊嵩嶽醉臥巨石夢人驅羊於前曰此張相公食料羊也既貴每食數斤猶未厭飫健啖世無比者此與李德裕夢人謂平生當食萬羊之兆符合 魏

秦記曰宋仁宗性仁恕一日晨興語近臣曰昨夕因不寐而甚飢思食燒羊侍臣曰何不降旨取索仁宗曰比聞禁中每有取索外面遂以為例誠恐自此遂夜宰殺以備非時供應則歲月之久害物多戾豈不忍一夕之

餒而啟無窮之殺也時左右皆呼萬歲至有感泣者

王鞏甲申雜記曰宣仁同聽政日御廚進羊乳及羔兒肉宣仁蹙然動容曰羊方羔而無乳則餒矣又曰方羔而烹之傷夭折也却而不食有旨不得宰羊羔以為膳

山房隨筆曰辛稼軒帥浙東時晦菴南軒任倉憲使劉改之欲見辛不納二公云改之豪傑也善賦詩可試納之改之至長揖公問能詩乎曰能時方進羊腰腎羹辛命賦之改之對寒甚願乞卮酒酒罷乞韻時飲酒手

顫餘瀝流於懷因以流字為韻即吟云拔毫已付管城
子爛首曾封關內侯死後不知身外物也隨尊酒伴風
流幸大喜命共嘗此羹終席而去厚餽焉遼史禮志
曰柴冊儀有司讀冊訖宰相北南苑大王請部帥進赭
白羊各一羣又曰下城克敵祭天地牲以白黑羊
輟耕錄曰元朝凡帝即位必先受佛戒至元帝初入戒
壇見馬哈喇佛前有物為供因問此何物曰羊心上曰
曾聞有用人心肝者有諸答曰有之凡人萌歹心害人

者事覺則以其心肝作供耳上再問曰此羊曾害人乎
帝師無荅 又曰每日進膳例用五羊自帝即位日減
一羊以歲計之為數多矣 埤雅廣要曰永樂初設科
取士廬陵錢舉發解南省皆首冠及將廷試忽夢頭生
羊角同年曰頭角崢嶸在此舉矣傍一人曰非也羊角
乃解字也恐有解姓者復居首耶及拆殿榜臚傳狀元
果解搢也

羊三

原觸藩

跪乳

上詳羊一易經
詳羊一婚禮謁文

下

土怪

嶽精

上詳

羊二家語

易是謀類曰泰山失金雞西藏
七五羊鄭康成注曰金雞玉羊二嶽之精

柔毛

賁首

上詳羊一禮記
詩曰牂羊賁首三星
在雷鄭康成注曰羊牝曰牂賁大也

叱石

嗽珠

上詳羊二神仙傳
下詳羊二幽明錄

丹毛

白血

續異記曰吳興
俞亮以永明八

年補護軍府史於常眠處聞有羊聲疑為神怪竊於戶
窺之見其牀下有羊可高二尺毛色若丹光曜滿室

穆天子傳曰犬戎朝天子於雷首之阿乃獻良馬四匹
天子使孔牙受之曰雷水之平爰有黑牛白角爰有黑

羊白

五穀

六飛

呂氏春秋曰百里奚未遇時號亡
奚飯牛於秦傳鬻以五穀羊之皮

公孫枝得獻諸繆公繆公用之謀無不當舉必有功
春秋命歷序曰有人黃頭大腹出天齊政三百四歲為

神次之號曰皇神出淮駕六飛
羊政三百歲五葉千五百歲

重十斤 高三尺

義郭

恭廣志曰大尾羊細毛薄皮尾上旁廣重且十斤出康
居春秋說題詞曰羊者詳也詳以改也合三為生以

養士也故

五色 四角

沈懷遠南越志曰尉陀之時
有五色羊以為瑞因圖之府

羊高三尺

廳 周成王時

攻虎

將狼

漢書譬如使豺狼逐羣
羊無異驅羊攻虎史

人獻四角羊

記黥布反上病欲使太子將往擊之四皓說建成侯曰
今諸將皆陛下故等今乃令太子將此屬無異使羊將

狼莫肯

十足

五皮

食貨志羊千足其人與千
戶侯等下百里奚事

童

為用

殺 肥羖

詩俾出童羖注羖羊不童也無角曰童羖之
性皆角童羖必無之物 詩既有肥羖以速

諸父注云
羖未成羊

來思

絜爾

詩爾羊來思 又絜
爾牛羊以往蒸嘗

啍羖

坐皮

上蘇武事
下楊茂事

割尾

捋鬚

西域志云割尾更生
又宋膺異物志曰月

氏有羊尾重十斤稍割以供食
尋生如故

下見羊二幽明錄

亡岐

喪易

上詳羊
二列子

也言不待險難而失之
易喪羊於易注易平

士刳

子證

易士刳羊無血
下詳羊二論

語

竹葉引

樹精花

上詳羊二晉書
下詳羊一玄中記

獻子執

鄭伯牽

魯定公會晉師于瓦范獻子執羔中行文子趙
簡子皆執雁魯於是始尚羔魯以前同費始知

執羔之貴
詳羊二左傳

毛裏雪

角觸藩

蘇武飢窮以羊毛
裏雪而吞之

見羊一
易經

下來

畢升

詩日之夕矣牛羊下來
又以肱畢來既升注言馴擾從

人意

九牧

十走

十羊九牧
一狼走千羊

釁廟

告朔

釁廟用
羊下

詳羊二
論語

荷蓑

刺木

荷蓑牧羊
詳羊二列仙傳

下

畜擾

通淫

周禮畜事教
擾下同

宜黍

銜穀

周禮凡會膳食羊宜黍
廣州記曰昔高固為楚相

五羊銜穀至其庭
因以五羊名其地

增火畜

金精

周禮注曰羊火畜
黍火穀故羊宜黍

也
一地鏡圖

翠尾

黃腹

酉陽雜俎曰蜀賓國出野
青羊尾如翠色
下詳羊

一爾

食葛

悅草

本草人食野葛而死羊食野葛而
肥
揚子法言曰羊質而虎皮見

草而悅見射而戰忘其皮之虎也臨川吳
氏曰羊外柔能悅草而內剛狠故兕為羊

望翼

取

脂
盛均大旱解郡守不清其政而待龍貨雨是猶乘樁
脂適海葵羊望翼何可冀乎
大食勿斯離國產胡羊

高三尺餘其尾如扇每歲春時割取脂二十餘斤再縫
合仍生不取則脹死又莊浪有獐羊土人歲取其脂非

久復滿腹

懸頭

燒尾

新言曰初年懸羊頭磔雞頭以求富羊能齧草雞啄五穀故懸二物

以助陽氣聞見記曰凡新羊入羣為諸羊所觸不見親附火燒其尾則定故初拜官朋僚合宴謂之燒尾

鹽耳

細肋

述異記曰陝西同州沙苑出鹽耳羊其羊耳小味美同州沙苑有佳羊謂之細肋

故山谷詩云細肋柔毛飽臥沙

食仙茅

飲苦泉

桂海獸志曰廣西英州多仙茅其羊

食之舉體化為肪不復有血肉名乳羊食之宜人案宇記曰馮翊朝邑縣許原下地有苦泉水味鹹苦羊飲

之肥而肉美今於泉側置羊牧誘曰苦泉羊洛水漿

對角

剪毛

元張憲灤京雜詠云皮囊

乳酒鑼鍋肉奴似山陰對角羊自注羊或四角或六角者謂之迭角羊以其角之相對也毛角雖奇香味稍別

不升之鼎俎東坡詩曰翦毛胡羊大如馬誰記鹿角腥盤筵

骨鎔鐵

脂柔銀

類物

相感志曰鑄鐵不銷以羊頭骨灰投之乃銷融也
丹房鏡源曰羊脂柔銀軟銅殺羊角縮賀賀錫也

腹

生石 角養草

按牛有黃狗有寶羊有卵石俱在腹中
附膽而生羊肝石白色如玉絕類狗寶

可治翻胃及羊病 埤雅曰羴羊之在原不可牢畜者
也其狀若騾而羴行暑天塵露在其角上生草戴行愛
之獨寢代都賦所謂羴
羊養草以盤旋是也

九頭

六角

淮南子曰阿羊
九頭而更食國

亂乃出 述異記曰周
成王時東夸進六角羊

二首

九尾

北史隨漢王諒
為并州總管潞

州有官羊二首相背以為諒之咎
徵 阿丹國出羴羊名九尾羊

易牧

宜驅

韓子
曰千

仞之山跛牂易牧者夸也
埤雅曰羊性前逆故宜驅

壓羴

善鬪

埤雅曰羊性
善羴故于文

羊為羴每成羴則以一雄為主舉羴聽之今俗所謂壓
羴是也北人謂之羊頭 又曰羴羊似異羊而大角角

擗善關
至死

尾如馬

角亂犀

上詳羊一山海經益州方物略記曰龍羊出吐蕃

及蜀威茂州形似畜羊而大其角縑上重八九兩黑質而白文以為帶勝其用亂犀

化狼乳

麋

述異記曰洛南有避狼城云幽王時羣羊變狼食人故築城避之張說奏有羊乳麋表見後

盟

社祀竈

墨子曰齊莊公之臣王國卑與中里檄者訟三年而獄不沒恐失有罪使二人共一羊盟

齊之社二子相從以羊血灑社讀王國卑之詞已盡中里檄之詞未半祭羊起而觸中里檄齊人以為有神驗

下詳羊
二搜神記

繫轅

補牢

隱逸傳曰王敬弘以女適孔淳之子以烏羊繫所乘車

韓提壺為禮至則盡歡戰
國策曰亡羊補牢未為晚也

蒙皮

輟肉

李茂勲傳曰王處存

以輕兵三千蒙羊皮夜布之野李全忠軍望為羣羊爭趨之遂致敗
韓偓金鑾密記曰上輟御前羊肉一盤

賜全誨以下曰難得之際且與同味

吐珠

化石

孔帖曰五代南唐劉銀四年苑中羊吐珠

樊胡子以為符瑞諷羣臣入賀

郭功父五仙謠曰番禺五仙人騎羊各一色手持六柜穗朝翔繞城辟翩然

去乘雲諸羊化為石至今留空祠異像猶可識

借書投

索帖換

唐餘錄曰倪若水積

書萬卷聽人賃閱凡借書者先投東脩羊

宋類苑曰

黃魯直戲東坡曰昔右軍字為換鵞字韓宗儒性饕餮

每得公一帖於殿帥姚麟處換羊數斤可名二丈書為

換羊書矣公在翰苑一日以生辰製撰紛冗宗儒作簡

以圖報答來人督索甚急公

相公食

學士羹

中朝故事

笑曰傳語本官今日斷屠

曰邵公杜悰福壽少倫日食五餐一餐之費皆至萬錢

京西李客見人牧羊遍滿山谷不知幾千萬口詰之自

何而來曰自鄜夏來供相公食耳指顧之際轉首恍然

並無所覩清異錄曰竇儼嘗病日幾喪明得良醫愈

之勸令頻食羊眼儼遂終身服之其
家名雙暈羹世人有呼為學士羹者

格虎

負魚

春

後語曰張儀謂楚王曰夫為縱者無異驅羣羊而攻生
虎虎之與羊不格亦明矣 高僧傳曰石虎嘗晝寢夢
見羣羊負魚從東北來寤以訪佛圖澄澄曰
不祥也鮮卑其有中原乎慕容氏後果都之

碧落洞

金華山

清波雜志曰英州碧落洞乳羊飲鍾乳潤水
體白如乳

李白詩曰金華牧羊兒乃是紫

煙客

挂角

斷臍

埤雅曰羚羊似羊而大角有圓繞蹙
文夜則懸角木上以防患語曰盛羊

挂角此之謂也

舊唐書曰拂菻國有羊羔生於土中

其國人候其欲萌乃築垣以環之防外獸所食然其臍

連地割之絕則死惟人著甲走馬駭之其羔
驚鳴而臍絕因逐水草以一二百口為羣

出淵

種土

郡國志曰吳彥堂溪有白羊洲洲水舊出山羊漢
武元封三年有白羊出此洲畜牧者禱祀之初出

一羊婦人大驚拍手羊自此絕焉今俗生羊忌婦人拍手是效古也元姚桐壽云大漠迤西俗能種羊凡屠

羊用其皮肉惟留骨以初冬未日埋著地中至春陽季月上未日為吹笳咒語有子羊從土中出凡埋骨一具可得子羊數隻此蓋四生胎外之化也波斯國亦有此事以脰骨種之輟耕錄曰漢北種羊角能產羊其大如兔食之肥美劉子觀量篇曰晉文種菜曾子植羊非性間蠢不辨方隅以其運大不習小務也注謂割羊皮用土種之也西海以羊臍種土中溉水間雷而生臍系地中及長駕以木臍斷便行蓄草至秋可食臍內有種

無睛能視

有角不用

易經注羊無睛而能視死不瞑目下詳羊一春秋繁露

粧點芳草

蹋破菜園

雲仙散錄曰午橋莊小兒坡茂草盈里裴晉公每使數白

羊散於坡上曰芳草無情賴此粧點啓顏錄曰有人常食蔬茹忽食羊肉夢五藏神曰羊蹋破菜園矣

賜八百蹄 具三十物

孔帖曰同訖達于既行日賜羊八百蹄詩曰三十維物爾牲

則具 秋陰之氣 未位之神

杜陽雜編曰牛羊共居丑未之位羊色白雖雜毛而

白多近於秋陰之殺氣故草木經羊啖之餘必顛賴泊宅編曰有人好食羊頭嘗晨出見一羊頭人身衣冠甚偉曰吾未位之神也其屬在羊爾食羊頭甚多故來取汝若輟食則可不然吾將殺汝其人懼不復食羊

給膳

謀羞

埤雅曰徐鉉云羊主給膳以瘦為病故羸從羊符子曰魯侯欲以孔子為司

徒將召三桓而議之左丘明曰周人有欲具少牢之珍而與羊謀其羞羊相呼藏於深林之中今君欲以孔子為司徒召三桓而議之亦與羊謀羞哉

上峭山

鬪海岸

涼州異物志曰有小羊稱

若斥峭山如髀上下如跌西舍利凡曲名十有二五曰鬪羊勝驪云來乃昔有人見二羊鬪海岸強者則見

弱者入山時人謂之
來乃來乃者勝勢也

喜鹽

畏露

東齊記事曰牧羊
惟遠水為善日一

飲緩驅行勿停息春夏
早收秋冬晚出以瓦器砌羊欄

中地羊喜鹽自還噉之不
勞人收

晚出早歸故詩曰羊
牛下來常先於羊也

遠視

長生

漢書注曰鄭康成
謂羊畜之遠視者

故史記家語孔子謂丈
王眼如望羊

百官志凡羊至
廚而乳者釋之長生大齊日尚食進蔬食釋所殺羊為

長生

鬼化

人變

上詳羊二搜神記
壽中長安百姓李審言忽得病如

萬

狂候與羊同食家人無
以止求醫不效後忽西走近將

百里路倘遇羣羊遽走
入其內逐之者方至審言已化

為一大羊乃自語曰將
我歸慎勿殺我我為羊悛樂人何

一比逆將歸飼
養以終天年

羊四

原不畜

伐冰之家不畜牛羊

不殺

禮大夫無殺羊

死肆

鄭伯有死于羊肆

反肆

高士傳曰屠羊說楚人隱於屠肆昭王失國說往從王反國欲將賞說說曰大王失國說失屠

羊大王反國說亦屠羊臣之爵祿已復矣又何賞之有王使司馬子綦延之以三珪之位說曰願長反屠羊之

肆耳遂不受

孟春食

孟春食麥與羊

仲春獻

仲春獻羔開冰

或寢或

訛或剥或烹

俱詩經

增過廳羊

青州雜記曰熊翻每會客酒至半旋殺羊

令客自割隨所好者絲線繫定記號畢蒸熟自認取以竹刀切食號過廳羊

大官羊

黃庭堅詩

曰春風飽識大官羊

紅羊

北方有紅羊為世珍味

青羊

尹喜內傳老子與別曰尋吾于

青羊

淫羊

博物志曰陰夸山有淫羊一日百偏脯不可食但著牀席間已自驚人

野

羊

嶺表錄異曰嘗有人自青杜泛海歸聞為惡風所飄至一島忽見羣羊人向之亦不驚避初疑人所牧放

而絕無人迹乃知生者

黃羊

杜甫詩黃羊飫不羶注云大觀三年郭隨使北

船人方餒因取食之

舉此詩以問北使時立愛立愛

花羊

桂海獸志曰南中黑白羊多黃

云黃羊野物可獵取食之不羶

羶羊

王會圖所貢諸物其有異者周頭之輝羶高夸

深褐白斑如黃牛又一種

玉羊

九國志曰吳越錢元璣先是

皆國名羶羊頭高夸

得此當生貴子元璣果以丁未歲生

羊五

增詩唐李嶠詠羊詩曰絕飲懲澆俗行驅夢逸材仙人
擁石去童子馭車來夜玉含星動晨羶映雪開莫言鴻
漸力長牧上林隈 宋黃魯直戲荅張祕監餽羊詩曰
細肋柔毛飽卧沙煩公遣騎送寒家忍令無罪充庖宰
留與兒童駕小車 梅堯臣江鄰幾寄羊羝詩曰細肋
胡羊卧苑沙長春宮使蹋霜羝蒺藜苗盡初蕃息苜蓿
盤空莫歎嗟自乏良謀甘更鄙猶能大嚼快無涯磨刀
為削朝霞片時引清杯興更嘉 文天祥詠羊詩曰長

顏主簿有佳名，羴首柔毛似雪明。牽引駕車如衛玠，叱
教起石義初平。出都不失成君義，跪乳能知報母情。千
載匈奴多牧養，堅持苦節漢蘇卿。

增表唐張說為留守，奏羊乳羴表曰：狎擾因依，動息隨
戀如從所產。若素同羣，理有可嘉。事無前例，又進鬪
羊表曰：遠生越雋，蓄情剛沒敵，不避強戰，不顧死，雖為
微物，志不可挫。如蒙效竒，靈囿角力天場，却鼓怒以作
氣，前躑躅以奮擊，趺如奔雲之交觸，碎如轉石之相叩。

裂骨賭勝濺血爭雄敢殺見而衝冠驚很鬪而擊節冀
將少助明主市駿骨捐怒蛙之意

原贊晉郭璞羊贊曰月氏之羊其類在野厥高六尺尾
亦如馬何以審之事見爾雅

原奏晉杜預奏事曰臣聞魏興北山有野羊千數百斤
試求之得一按其形不與中土羊相似然野獸中所希
有

增序宋梅堯臣逢羊詩序曰予晨過北郭見羣羊有羝

處前其首昂然而偉臄其角拱然而聳其毛茸然而長
自膊至腕綖綖與纓胡相若其羣很逐而擁趨如奉焉
及其宰也牴存而羣死之予歸作詩示諸友云

狗一

原爾雅曰犬生三狻

宗

二師一獬

祈

未成毫狗

狗子未生翰毛

長喙獫

力

短喙獨

獸

獬

獨詩載獫獨獬

絕有力

挑

獬

多挑

獬狗也

狗四尺為獬

說文曰狡犬多毛也獨

虛獨

短喙犬也

獫

胡斬反

犬吠不止也獬犬之知人心可使也

言佳反

狂

犬也狄赤犬也

增又曰狎

音罷

短腦狗也狡小狗也

又曰犬狗之有懸蹄者也孔子曰視犬之字如畫狗也

狗叩也叩氣以守也

原呂忱字林曰獠韓良犬也狔

鵲

宋良犬也狎

五見反

逐虎犬也

孔叢子曰盧黑色鵲黑白色

何承

天纂文曰守犬為獫

扶本反

隴西以犬為獫

酋

獫

乃更反皆多毛犬也獠

乃校反

獠

居例反

招

彫

屈尾犬也

易

曰良為狗 增毛詩曰無使尫也吠

原周官曰犬赤

股而躁躁

增禮記曰凡祭祀犬曰羹獻

言犬肥則可為羹以獻也

原春秋考異郵曰狗三月而生陽主于三故狗各高

三尺 增家語曰七九六十三三主斗斗主狗故狗三

月而生 原山海經曰蝮犬如犬青色食人從首始

吳越春秋曰狡兔死走狗烹 荆楚記曰雞寒狗熱

增桂海獸志曰蠻犬如獵狗警而獒 又曰鬱林犬出

鬱林州極高大垂耳拳尾與常犬異 莊子曰犬不善

吠為良 淮南子曰獒犬不自投於河 尸子曰地中

有犬名曰地狼 夏鼎志曰掘地而得犬名曰賈 京

房易傳曰執政失下將害之厥妖狗生角 五行傳曰
犬畜之以口吠者屬言 三才圖會曰犬有三種一者
田犬二者吠犬三者食犬食犬若今菜牛也 埤雅曰
狗非田犬亦犬子也非田犬者不自搏食苟食而已

原雜五行書曰犬生四子取黃子養之生五子取青子
養之六子取赤子養之七子取黑子養之八子取白子
養之白犬虎文南斗君畜之可致萬石白犬烏頭令人
得財白犬黑尾令人世世乘車黑犬白耳大王犬也畜

之令人富貴黑犬白前兩足宜子孫白犬黃頭家大吉
黃犬白尾令人世世衣冠黃犬白前兩足利人 增金

樓子曰入名山牽白犬抱白鶴山神大喜芝草及寶玉
等自出 古今注曰狗一名黃羊 清異錄曰狗曰守

門使 老學菴筆記曰筇竹杖擊狗皆節節斷折物理
之不可推者 原楚辭曰豈不鬱陶而思君兮君之門
兮九重猛犬狺狺而迎吠兮關梁閉而不通 增蘇軾
上神宗書曰畜犬本以防姦不以無姦而養不吠之犬

韓愈詩曰躍犬疾翥鳥
李後邨詩曰犬眠花影地
梅堯臣詩曰吠犬憎僮僕
孫覲詩曰睢盱犬透籬

狗二

原後漢書曰帝高辛氏有狗名槃瓠時犬戎兵強乃募
能得犬戎將軍首者賜以少女槃瓠得之於是少女
隨槃瓠升南山產子男女十二自相夫妻後繁盛也

玄中記曰狗封氏者高辛氏有美女未嫁犬戎為亂帝
曰有討之者妻以美女封三百戶帝之狗名槃瓠三月

而殺犬戎之首來帝以為不可訓民乃妻以女流之會

稽東南二萬一千里得海中土方三千里而封之生男

為狗生女為美女 搜神記曰高辛氏有老婦人居王

宮得耳疾醫為挑治得一物大如繭婦人盛之以瓠覆

之以槃俄頃而化為犬其文五色名槃瓠 楚辭曰何

少康逐犬而顛隕厥首

言少康因田獵放犬逐獸遂厥殺況而斷其頸

增湯

四方獻令伊尹請正南以矩狗為獻孔子曰矩狗狗之

善者也 原穆天子傳曰天子之狗走百里執虎豹

言筋

力猛 增又曰鷓韓之人獻天子良犬七十 博物志曰

周穆王有犬名耗毛白 原述征記曰彭城東岬有一

丘俗謂之狗葬或云斯則徐偃王葬后倉者也古徐國
宮人妊而生卵棄之水濱有狗名后倉銜而歸弗乳而
成人遂為徐之嗣君純筋無骨曰偃王偃王躬行仁義
衆附之得朱弓朱矢之瑞周穆王命楚滅之后倉將死
生角而九尾實黃龍也 辛氏三秦記曰有白鹿原周
平王時白鹿出此原原上有狗枷堡秦襄公時有天狗

來下其上有賊天狗吠而護之故一堡無懼心 呂氏
春秋曰楚文王得如黃之狗宛路之矰遊於雲夢三月
不返 又曰齊有好獵者終日不得獸入則媿其友推
其所以不得獸狗惡故也欲須良狗家貧不能得乃還
疾耕疾耕則家富家富則有良狗有良狗則數得獸矣
非獨獵也百事皆然 左傳曰晉侯飲趙盾酒伏甲將
攻之其右提彌明知之趨登曰臣侍君宴過三爵非禮
也遂扶以下公嗾夫獒焉明搏而殺之盾曰棄人用犬

雖猛何為鬪且出 又曰國人逐瘕狗瘕狗入於華臣

氏國人從之華臣懼遂奔陳

華臣心不自安見逐狗而驚去

增又曰

晉侯伐齊范鞅門於雍門其御追喜以戈殺犬於門中

示閒暇也

原又楚辭曰兄有噬犬弟何欲易之以百兩卒

無祿

兄謂秦伯景公也秦伯有齧犬弟鍼欲請之秦伯不與鍼以百兩金易之又不可聽因逐鍼而奪其爵

左傳曰取邾師邾人慙於晉晉人來討叔孫婼如晉

乃館諸箕吏人之與叔孫居於箕者取其吠狗弗與及

將歸殺而與之食 晏子曰晏子短使楚楚人為門於

犬門側延晏子晏子曰使狗國者從狗門入今使楚王不當從此門入 增又曰景公走狗死命外供之棺內

給祭晏子諫公曰亦細物也特以與左右為笑耳晏子曰孤老凍餒而死狗有祭鰥寡不恤而死狗有棺行辟若此百姓聞之必怨吾君諸侯聞之必輕吾國而乃以為細物君其圖之公曰善趣庖治狗以會朝屬 莊子曰徐無鬼見魏文侯曰吾相狗也下之質執飽而止是狸德也中之質若視日上之質若忘其一 原列子曰

楊朱之弟曰布衣素衣而出天雨鮮素衣衣黑衣而返其狗迎而吠之楊布怒將朴狗楊朱曰子無朴矣子亦猶是也嚮者使汝狗白而往黑而來豈能無怪哉戰國策曰齊欲伐魏淳于髡謂齊王曰韓廬者天下之壯犬也東郭婉者海內之狡兔也韓廬逐東郭婉環山者三騰山者五兔極於前犬疲於後犬兔俱疲各死其處田父獲之無勞倦之苦而擅其功今齊魏久相持以頓其兵敝其衆臣恐強秦大楚承其後而有田父之功也

齊王懼休將士 說苑曰孟嘗君寄客於齊王三年不

見用故客反見曰臣聞韓氏之廬周氏之譽天下疾狗也見兔而指屬則不失兔望見而放狗則累世不能得兔狗非不疾不能屬者罪也

詳薦舉

增春秋後語曰貂

勃嘗惡田單安平君聞故為酒而召貂勃曰單何以得罪於先生嘗見惡於先生乎勃曰然公孫子賢而徐子不肖然而公孫子與徐子鬪徐之狗攫公孫子之腓而噬之若乃得去不肖為賢者狗豈特攫而噬之哉安平

君曰敬聞命矣明日任之於王 原尹文子曰康衢長
者字僮曰善搏字犬曰善噬賓客不過其門三年長者
怪而問之以實對於是改之賓客復往 韓子曰宋有
酤酒者斗檠甚平遇客甚謹為酒甚美懸幟甚高然而
酒不售而酸怪其故問所閭長者楊青青曰汝狗猛耶
曰狗猛狗猛何故不售曰人畏焉或令孺子懷錢挈壺
往酤而狗迎齧之酒所以酸而不售夫國亦有猛狗有
道之士懷其術而欲以明萬乘之主大臣為猛狗迎而

齟之此人主所以蔽脅有道之士所以不用也 漢書

曰樊噲沛人也以屠狗為事 史記曰高祖詔齊捕蒯

通通至上曰若何教淮陰侯反對曰然臣固教之跖之

狗吠堯堯非不仁狗固吠非其主當是時臣獨知韓信

非知陛下也 增漢書五行志曰文帝後五年六月齊

雍城門外有狗生雙角 原漢武故事曰公孫卿至東

萊云見一人長五丈牽一黃犬把一黃雀欲謁天子因

忽不見 搜神記曰漢成帝河清元年長安男子石良

劉晉相與同居有如人狀在其室擊之為狗去復至數人被甲持兵弩來格之或傷盡狗也自二月至六月乃止其於洪範皆犬禍言不從之咎也 又曰東越閩中

有庸嶺高數十里西北隙中有大蛇長八九丈大十餘圍東治都尉及長吏或夢巫覡欲得噉童女常八月祭送蛇穴蛇輒吞之已用九女時將樂縣李誕有小女名寄應募而行乃請好劒咋蛇犬作數斛餐蜜灌之置穴口蛇出頭大如困目如二尺鏡先噉餐灌寄便放犬咋

蛇以劒斫殺之得九女髑髏越王乃聘寄為后 又曰

昔山陽王瑚字孟璉為東海蘭陵令夜半時輒有黑幘
白單衣吏詣縣扣閣迎之則忽然不見如此數年於外
伺之見一老狗黑頭白身至閣便為人殺之乃絕 東
觀漢記曰鮑永少有志操治歐陽尚書事後母至孝妻
嘗於母前叱犬而永即去之 風俗通曰桂陽太守汝

南韋叔堅少時為從事在家狗人立行於家中皆言當
殺之叔堅云犬馬喻君子狗見人行效之何傷叔堅為

縣令還解冠榻上狗戴馳走家人驚愕復云誤觸冠冠
纓挂著耳狗又上竈家益怪復云兒婦皆在田中狗助
畜火何能作怪遂不肯殺後數日狗自暴死卒無纖芥
之異叔堅至太尉終於位續搜神記曰林慮山下有
亭每過宿者或病死嘗云有十許人男女合雜衣或黑
或白輒來為害有郅伯夷者過宿明燭而坐誦經至中
夜忽有十餘人來與伯夷並坐捕博伯夷密以鏡照之
乃是羣犬因執燭起陽誤以燭燒其衣作炎毛氣伯夷

懷刀捉一人刺之初作人喚遂死成犬餘悉走出 增

郡國志曰漢末富春有桑君者養犬數年不吠孫文臺
微時經此犬忽吠之桑謂文臺曰君其異相乎及貴欲
報之桑無所好惟好張畢捕魚文臺為作九里畢以贈
之 又曰朱建平善相術謂應璩云君年六十三位為
常伯當有厄先此一年當獨見一白狗而旁人不見也
璩年六十一為侍郎直內省欸見白狗問之衆人悉無
見者於是游觀田里飲宴自娛過期一年果卒 原華

陽國志曰雍閬欲降魏說夷曰官欲得烏狗三百頭膺
前盡黑蝟腦三升汝能得否夷皆從閬 增吳志曰孫
峻與亮謀誅諸葛恪恪嚴駕畢趨出犬銜引其衣恪曰
犬不欲我行乎還坐頃刻乃復起犬又銜其衣恪令從
者逐犬遂升車被殺 原述異志曰陸機少時頗好獵
在吳豪客獻悋犬名曰黃耳機後仕洛常將自隨此犬
黠慧能解人語又嘗借人三百里外犬識自還一日至
家機羈旅京師久無家問因戲語犬曰我家絕無書信

汝能齋書馳取消息否犬搖尾作聲應之機試為書盛以竹筒繫之犬頸犬出驛路走向吳飢則入草噬肉取飽每經大水輒依渡者弭毫掉尾向之其人憐愛因呼上船裁近岸犬即騰上速去先到機家口銜筒作聲示之機家開筒取書看畢犬又伺人作聲如有所求其家作荅書內筒復繫犬頸犬既得荅乃馳還洛計人行程五旬犬往還裁半月後犬死殯之遣送還葬機邨去機家二百步聚土為墳邨人呼為黃耳冢 孫盛晉陽秋

曰王敦敗京師之後夢白犬自天而下噬之 增晉五

行志曰晉元帝大興四年廬江潯縣何旭家忽聞地中

有天子聲掘之得一犬母青釐色狀甚羸瘦走入草中

不知所在視其處有二犬子一雄一雌哺而養之雌死

雄活及長善噬野獸其後旭里中為蠶所沒 集異傳

曰張天錫在涼州夢一綠色犬甚長從南來欲昨天錫

上林避之乃踰地後符堅遣荀萇著綠地錦袍從南來

攻未入門大破之 原續搜神記曰會稽句章民張然

滯役在都經年不得歸家有少婦遂與奴私通然在都
養一狗甚快名烏龍後假歸奴與婦謀欲殺然作飯食
共坐下食未得噉奴當戶倚張弓挾箭拔刀然以盤中
肉飯與狗狗不噉惟注睛舐脣視奴然亦覺之奴催食
轉急然決計拍髀大呼曰烏龍狗應聲傷奴奴失刀伏
倒地狗遂咋奴頭然因取刀斬奴以婦付官殺之又
曰晉穆哀之世領軍司馬濟陽蔡詠家狗夜輒羣衆相
吠往視便伏後日使人夜伺有一狗著黃衣白恰長五

六尺衆狗共吠之尋跡定是詠家老黃狗即打殺之吠
乃止 又曰晉太和中廣陵人楊生養狗甚憐愛行止
與俱後生飲酒醉行大澤草中眠不能動時冬月野火
起風又猛狗周走號喚生醉不覺前有一坑水狗便走
往水中還以身灑生左右草霑水得著地火尋過去生
醒方見之他日又暗行墮空井中狗呻吟徹曉須臾有
人過怪此狗向井號往視見生曰君可出我當厚報
君人曰以此狗見與便當相出生曰此狗曾活我於已

死不得相與餘即無惜人曰若爾便不相出狗因下頭目井生知其意乃語路人以狗相與人乃出之繫狗而去後五日狗夜走歸 增廣古今五行志曰安帝義熙年譙縣崔仲文與會稽石和俱為劉撫軍吏仲文養一犬以獵麋鹿無不得也和甚愛之乃以丁奴易之仲文不與及仲文入山獵至草中和殺仲文欲取其犬犬齧和守其主尸爬地覆之後諸軍出獵見犬守尸人識其主因還啓劉撫軍石和假還至府門犬便往牽衣號吠

人復白撫軍曰此人必殺犬主因錄之撫軍考問果得其實遂殺石和 晉五行志曰大興中輔國將軍孫無終家於既陽地中間犬子聲尋而地坼有二犬子皆白色一雄一雌取而養之皆死後無終為桓靈寶所滅南史曰袁粲父子以舉兵為齊所害有小兒數歲乳母將投梁門生狄靈慶靈慶遂抱以首此兒死後靈慶常見兒騎大氍毹狗戲如平常經年餘忽見一狗走入其家遇靈慶於庭噬殺之少時妻子皆歿此狗即袁郎所常

騎也 原述異記曰宋元嘉中石元度家有黃狗生白

雄子母孕其子異於常狗銜食食之子大其狗出獵未

返輒門外望之後元度病輒危困醫為處方須白狗肺

市索卒不能得乃殺所養白狗以湯供其用母向子死

處跳踊嗥呼倒復起竟日不息其家煮狗子肉共食之

投骨於地母輒銜著窟中 增又曰宋元嘉中嘉興縣

朱休之兄弟對坐家有一犬來向休之蹲徧視二人遂

搖頭而笑曰言我不能歌聽我歌梅花今年故復可柰

汝明年何其家驚懼斬犬勝首路側至來歲梅花時兄弟相鬪並被囚繫經歲得免至夏舉家時疾兄弟皆死北齊書曰徐之才與朝士出游遙望羣犬競走諸人今日之之才厲聲曰為是宋鵲為是韓盧為逐李斯東走為負帝女南徂陳書曰張彪敗後與妻楊氏去惟嘗養一犬名黃蒼在彪前後未曾舍離乃還入若耶山中陳文帝遣章昭達領千兵重購之彪眠未覺黃蒼驚吠劫來便齧一人中喉即死及彪被害黃蒼號叫彪尸

側宛轉血中若有哀狀昭達殯彪喪墳冢既畢黃蒼又俯伏冢間號叫不肯離 隋書曰文帝時魏州四月八

日立舍利塔有一黑狗耽耳白脅於舍利塔前舒左股屈右脚見人行道即起行道見人持齋亦即持齋非時與食不食惟欲得飲淨水耳至後日解齋與粥始喫且寺內先有數猛狗但見一很狗無不競來吠齧若見此狗入寺悉在低頭掉尾 宣室志曰神龍時唐休璟為相有門僧出言多中一日謂休璟曰公有大禍不遠數

月然可以禳之公懼而問計僧曰可於卑冗官中孤寒
有才幹者用為曹官因得張君為之乃問所為僧曰張
君赴部之時當令求二犬高數尺而神駿者張到部即
求得二犬高四尺獻之休璟大悅召僧視之僧曰極善
育後旬日有二刺客為犬所齧而斃孔帖曰武后初
酷吏丘神勣家狗生子無首當項有孔如口晝夜鳴吠
俄失所在摭異記曰劉巨麟開元末為廣府都督在
州恒養一犬雄勁多力犬至馴附有異於他巨麟常夜

迎使犬忽遮護不欲令出巨麟亦悟曰犬不使我行耶徘徊良久人至白使近巨麟叱曰吾行部從如雲寧有非意之事使家人闕犬而出上馬之際犬亦從之忽咋一從者喉中之頃之死巨麟驚悸搜死者懷中得利匕首初巨麟常鞭箠此僕故脩其怨私欲報復而犬逆知之是以免難 酉陽雜俎曰天寶中上嘗於夏日與親王綦貴妃立於局前觀之上數子將輸貴妃放康國獬子於坐側獬子乃上局局子亂上大悅 柳宗元非國

語曰近世京兆杜濟穿井獲土缶中有狗焉投之於河
化為龍 廣豔異編曰唐貞元中有大理評事韓生者
僑寓西河郡南有一馬甚豪駿嘗一日清晨忽委首於
櫪汗而且喘若涉遠而殆者至明日其馬又汗而喘圉
人異之是夕竊臥廐舍乃於隙中窺之忽見韓生所畜
黑犬至廐中且嗥且躍俄化為一大人衣冠甚黑既挾
鞍至馬上駕而去門垣甚高其黑衣人以鞭擊馬躍而
過黑衣者乘馬而去逮來廐下馬解鞍黑衣人又嗥躍

還化為犬圍人驚異不敢洩於人後一夕黑犬又駕馬而去及曉方歸圍人因尋馬蹤以天雨新霽歷歷可辨直至南十餘里一古墓前馬跡方絕圍人乃結茅齋於墓側來夕先止於齋內以伺之夜將分黑衣人果駕馬而來下馬繫於野樹其人入墓與數輩言笑極歡圍人在茅齋中俯而聽之不敢動近食頃黑衣人告去數輩送出墓至於野有一褐衣者顧謂黑衣人曰韓氏名籍安在黑衣人曰已收在擣練石下吾子無以憂褐衣者

曰毋輕洩洩則吾屬不全矣黑衣人謹受教褐衣人曰
韓氏穉童有名乎曰未也伺有字即編於名籍不敢忘
褐衣人曰明夕再來當得笑語而黑衣人催去及曉圍人
歸遂以其事密告於韓生生即命以肉誘其犬犬即至
因以繩繫乃次所聞遂窮擣練石下果得一軸書具載
韓氏妻子兄弟家僮名氏蓋所謂韓氏名籍也有子生
一月矣獨此子不書所謂穉兒未字也韓生大異致犬
於庭鞭而殺之熟其肉以食家僮已而率鄰居子十餘

執弧矢兵仗至郡南古墓前發其墓中有數犬毛狀皆異盡殺之歸 集異記曰裴令公度性好養犬凡所宿

設宴會處悉領之所食物餘者便和碗與犬食時子壻李甲見之數諫令公曰人與犬類何惡之甚犬正食見李諫乃棄食以目視李而去裴公曰此犬人性必讐於子切慮之李以為戲言將欲午寢其犬乃蹲而向李李見之始疑犬讐言已犬見未寢又出戶李見犬去後乃以巾櫛安枕多排衣服以被覆之其狀如人寢李乃藏於

異處視之逡巡犬入其戶將謂李已睡乃跳上寢牀當
喉而齧齧訖知謬乃下牀憤跳號吠而死 五行志曰
咸通中會稽有狗生而不能吠擊之無聲狗職吠以守
禦其不能者象鎮守者不能禦寇之意 古今詩話曰

淳化中合州貢羅江犬甚小而性慧常馴擾於御榻之
前每坐朝犬必掉尾先吠人乃肅然太宗不豫犬不食
及上仙犬號呼涕泗以至疲瘠章聖初即位左右引令
前導鳴吠徘徊意若不忍章聖令諭以奉陵即搖尾飲

食如故詔造大鐵籠施素裯置鹵簿中行路見者隕涕
後因以斃詔以敝蓋葬於熙陵之側 澠水燕談錄曰
平原陸永錫天聖末以虞曹外郎知千乘縣一日與門
生對食永錫以饅頭食畜犬生曰犬彘食人古人所譏
況珍珠耶犬不食瞋視之以去數日不知所在一夕犬
至跑門闥將入生起視之知其將害已卷衾作人卧於
牀上升棟避之犬入登牀噬之覺非人吼怒出戶擲尾
作聲而死 江鄰幾雜志曰康定中侍禁李貴為西邊

塞主妻為昊賊擄去家中一白犬頗馴擾祝之曰我聞
犬之白乃前世為人也爾能送我歸乎犬俯仰如聽命
即裹糧隨之有警則引伏草間渴即濡身而返凡六七
日出賊境其夫無恙朝廷封崇信縣君 東軒筆錄曰
慶歷中衛士有變震驚宮掖臺官宋禧上言蜀有羅江
狗赤而尾小者其警如神願養此狗於掖庭以警倉卒
時人謂之宋羅江 泊宅編曰虞經臣策元祐五年作
監察御史初入臺值都城開渠忽有異犬自渠中出直

入其家馴服若素畜養者家人輩愛之名曰渠來但無
事惟喜睡或亂毀簾幃窗牖之類則經臣必有遷改錫
賚之慶自爾每遇慶事則飼以肉一斤渠來必歡喜跳
躍然後食之以為常凡數年經臣卒前一夕渠來死
又曰狀頭時邦彥母懷之彌月夢九人皂衣肩輿一金
紫人徑入房中明日犬生九子皆黑晚遂生邦彥故小
名十狗同年錄見之終吏部尚書 宣靖妖化錄曰宣
和五年京師城北乃官民牧羊地忽有野犬不知所從

來入羊羣中鳴叫左右前後諸犬皆往聚會一羊間一犬黑白交映至次日城內外諸犬畢集或縛者并斷索而來凡擾擾兩日犬多羊少皆齧殺其羊識者知為不祥 吳聞總錄曰青州老人朱先生以賣藥自給攜一妻一妾一犬往來贛州紹興丁丑四月有邨民託言母病邀至其家盡奪其貲囊殺三人埋於林間犬隨而叫號俄舍去詣縣伏庭下如有所訴縣宰即遣弓兵隨犬所至至埋所發穴得尸復引至賊家盡獲凶黨 夷堅

志曰紹興中樂平魏彥成安行為徐州守全椒縣結正
一死囚獄案云縣外二十里有山菴頗幽僻常惟樵農
往來一僧居之獨雇邨僕供薪爨之役養一貓極馴每
日在傍夜則宿於牀下一犬尤可愛俗所謂獅狗者僧
嘗遣僕買鹽際暮未返凶盜乘虛抵其處殺僧而包裹
鉢囊所有出宿於外明日入縣此犬竊隨以行遇有人
相聚處則奮而前視盜嗥行又隨之至於四五乃泊縣
市愈追逐哀鳴市多識菴中犬且訝其異共扣盜曰犬

如有恨汝意得非去菴中作罪過乎盜雖強辨數四然
低首如怖伏狀即與俱還菴僧已死時正微暑貓守臥
其傍故鼠不加害執盜赴獄不能一詞抵隱遂受刑

賈似道悅生隨鈔曰舅氏慈遠公好記異事一日遠來
相訪言任丘縣友人養犬甚猛羣犬莫能勝晚年既衰
瘁為衆犬所齧憤憤不食而死剗其心已化為石而膜
絡色之似石非石色如寒灰重如磚瓦觀其脈縷真心
也不知緣何至此耳目所不聞見者何限哉 范成大

攬轡錄曰乾道六年奉命使金至邯鄲縣牆外居民以
長竿磔白犬懸其首別一竿縛茅浸酒揭於上云本國
人用以祭天禱病 遼史曰八月八日國俗屠白犬於
寢帳前七步瘞之露其喙後七日中秋移寢帳於其上
謂之捏褐耐捏褐犬也耐首也 松漠紀聞曰金國天

會十四年四月中京小雨大雷震羣犬數十爭赴土河
而死所可救者纔二三耳 永昌雜志曰至正二十一
年昆明縣玉案山下產赤小犬色如火羣吠徧野 輟

耕錄曰至正壬寅八月中上海縣三十四保辰字圖金
壽家已閤雄狗生小狗八其一齒爪紅如鮮血犬之為
妖多見之於占驗之書未有若此者 又曰高麗以北
為別十八華言連五城也地極寒每歲委官給散資糧
每車以四狗挽之狗悉諳人性站有狗分例若剋減之
必齧其主者至死乃已 又曰北方阜雕作巢所在官
司必令人窮巢探卵較其多寡如一巢而三卵者置卒
守護日覘視之及其成殼一乃狗耳取以飼養進之於

朝其狀與狗無異但耳尾上毛羽數根而已田獵之際
雕則戾天狗則走陸所逐同至名曰鷹背狗 彙苑曰
弘治中究之魚臺縣有民家畜一白犬甚馴其主出犬
常隨之他日主商於遠方犬亦去經旬三日犬化為主
輒歸妻問其故曰途中遇盜財物俱盡幸逃得性命耳
妻信不疑閱歲其真夫歸形狀悉同各爭真偽妻及鄰
里白於官命置之獄中忽一小卒語於妻妻曰先歸者
犬精也視婦眉間有爪紋則辨矣卒以白官召婦問其

故裸而視其胷間有血紋密使以血厭之偽夫化犬立撲殺之

狗三

原金畜

斗精

應劭風俗通曰殺犬磔禳犬者金畜禳者却也抑金使不害也春秋考異鄒

曰七九六十三陽氣通故斗運狗三月而生宋均注曰狗斗精之所生也

烏龍

青鷁

上詳

狗二續搜神記周處風土記曰犬則青鷁白雀飛龍虎子馴良警捷難狎易使也

竦耳

注

精

上詳大狗賦下詳續搜神記

黃頭

赤精

許慎說文曰獫黑犬黃頭也狂黃犬黑頭

也下見傳休奕走狗賦

長耳

短喙

白澤圖曰黑狗白頭長耳卷尾龍也蔡氏清論曰

望視之兔白蹄之豕短喙之犬修頭之馬斯禽獸也猶形乎勢觀况君子之貌獨無表告者哉

旅獒

周狗

尚書曰西旅獻獒公羊傳曰靈公有周狗謂之獒也

鈴蹄

鋸齒

見上

傅休奕走狗賦周處風土記曰犬則獨橋五魚狼牙鋸齒

宋淖

韓盧

莊子曰介闕問

里有狗宋人之驚狗也其家命之為淖逐狗不及止而望之自以為過矣下詳狗二戰國策

白首

素牙

山海經曰陰山有獸焉其狀如鯉白首其名天狗下見傅休奕走狗賦

齧書

銜卵

上詳狗二述異記下詳狗二述征記

走百里高三尺

上詳狗二穆天子傳

郭公魏晉俗語曰太康七年天郊壇下有白犬高三尺光色鮮明恒臥見人則去

黃耳

赤

身

上詳狗二述異記句奴獻豹犬雖口赤身

食虎

逐麋

瑞應圖曰

周成王時渠搜國獻窮犬能飛食虎豹逐麋之犬不顧兔耶謂求大也

敝蓋 重鑲 尼仲

畜狗死使子貢埋之曰吾聞敝蓋不棄為埋狗也詩曰盧重鑲又曰盧重令重鑲注今狗鑲聲也

升

仙 負女

淮南王雞犬皆升仙下詳狗二玄中記

斃毒 訴冤

晉太子申生歸

昨姬毒而薦之與犬犬斃

傷張收 吠楊布

宋張牧為衛犬

所傷醫云宜食蠶膾食之愈下見狗二列子

牽上蔡 吠深巷

李斯曰牽黃犬出上

蔡門豈可得乎古詩犬吠深巷中

不夜吠 畜土性

無事犬不夜吠傳犬馬非土

性不畜

搏噬 守禦

曹植表盧狗悲號國知其才乃試之用於搏噬犬有守禦之勞

問名 吠形

獻犬者既受乃問犬名夫論曰一犬吠形百犬吠聲

不叱

左牽

尊客之前不叱狗效犬者左牽之

宜梁

去賢

周禮狗宜梁

移而

識家

賣以嫁女

漢祖移新豐雞犬各識其家隱之字處嘿將嫁女家貧牽犬賣之

晉吳

此外蕭然無辨

累累喪家

狺狺迎吠

孔子去魯至鄭東郭有人見曰累累若喪

家之狗

下

狻而不使

狺無不噬

管子曰管仲將死謂桓公曰有

犬噬噬旦暮欲噬我狻而不使也君必去之言易牙豎刁為亂也傳曰國狗之俟無不噬也俟狂狗也

戀主

噬人

猛相

雄姿

躡遺蹤

尋漏跡

增

黃蒼

白望

上詳狗二陳書西京雜記曰茂陵少年李亨好馳逐鷹犬皆製佳名狗則有修毫

釐曉白望青曹之號

白靈

青駁

陶弘景曰裴與君好養白犬白雞犬名白靈雞名白精學

道之士或居山林此可以辟邪 西京雜記曰楊萬年有獵犬名青骹價直百金

黑膺鳥

喙

上詳狗二華陽國志 蘇子瞻云子來僮耳得大狗曰烏喙甚猛而馴隨子還合浦遇澄邁汨而濟路人

皆驚 卑脚 長翰

一歲時有卑脚犬曰青花忽來齧兒

陰食之至德有良藥封之及愈為宦者字之曰捧硯委以內豎之職 列仙傳云蜀人邛子好放犬犬走入山

穴邛子隨之行數百里出山頭有殿屋官府仙人吏使甚嚴見其故妻主洗魚與邛子一函藥發視之乃魚子

也養之池中一年皆為龍邛子後還山見犬色更赤有長翰隨邛子遂留山上時時下護其宗族蜀人立祠焉

生麓 有角

後漢書曰岑熙為魏郡太守無為而化民歌之曰狗吠不驚足下生麓 小名

錄曰張狗兒母夢有物如犬子頭有角牴之因感而有妊故小名狗兒

桎足 繫頸 呂氏

春秋曰齊有善相狗者其鄰藉之賈鼠狗期年而得曰
是良狗也其鄰畜之數年不啖鼠以告相者曰此志在
麋麋豕鹿不在鼠欲其取鼠也則極其後足遂取鼠
晉書曰齊王同入廢賈后后問同曰起事誰曰梁趙后
曰繫狗當繫頸今反
繫其尾何得不然
巨口 短尾
說文曰句奴地有
狡犬巨口而黑身

廣志曰狗有
懸蹄短尾之號

守夜 吠日

抱朴子曰陶犬無守夜
之益 柳宗元書曰庸

蜀之南常雨少晴
日出則犬號吠

吠雲 噬雪

天中記曰杜光庭有
犬名吠雲可行萬里

又杜詩仙家犬吠白雲中
被南越中數州數州之犬蒼黃吠噬狂走者數日至無

雪乃

礫道止風 投井降雨

爾雅注曰今俗當大道
中礫狗云以止風 尚

書故實曰舒州灊山下有九井實九眼泉也
旱即殺一犬投其中大雨必降犬亦流出

捕鼠

醉虎

魏志曰太祖云我有丁斐猶人家有盜狗善捕鼠雖小有所損而完我囊儲茅亭客話曰凡虎食

狗必醉狗虎之酒也

曳馬

化龍

舊唐通典曰唐武德中高昌王文泰獻狗雌雄各一高六

寸長尺餘性甚慧能曳馬銜燭云奉出拂菻國中國有拂菻狗自此始也續仙傳曰韋善俊挾一犬號烏龍

後化龍乘之飛升而去

咋蛇

銜兔

幽明錄曰晉大興二年吳人華隆好獵養一狡犬號

曰的尾常時自隨隆後至江邊伐荻犬暫出渚次隆為大蛇圍繞周身犬還便咋蛇蛇死隆僂無所知犬銜隄涕泣走還船復反草中同伴怪所以隨往見隆問絕將歸家二日犬為不食隆復蘇乃始進飯隆愈愛惜同於親戚後周書曰張元性仁孝幼時邨陌有狗子為人所棄者元見即收而養之未幾有狗母銜一死兔置元前而去

狸德

豹聲

上詳狗二莊子唐王維與裴迪書云深巷寒犬吠聲如豹

待門

扣閣

國語曰趙簡子田于嬖史黠聞之以犬侍于門簡子見之問何為曰有所得犬欲試

之茲圖簡子曰何以不告黠曰君行臣不從為不順主將適嬖而麓弗聞臣敢煩當日簡子乃還下詳上狗

二見千寶搜神記

哭市

上臺

隋巢子曰昔三苗大亂龍生於廟犬哭於市

孫淵未亡家數有怪犬冠幘絳衣上臺

防庫

共牢

夷堅志曰復州簽判廳主管諸司錢

物故畜犬以警盜名為防庫一黃犬在彼十餘年吳興周礪居官尤加意飼養泊秋滿有代者周未去間謁犬

認所乘轎識為故主迎擾馴伏掉尾戀戀周解其意使置於船中俟數日船至巴河犬登岸未返而船人解纜

東下犬望見跳躍嗥鳴奔隨不置凡三四十里周顧見之命小船呼載既得上不勝喜遂至湖州孔帖曰五

代南唐時江州陳氏族七百口畜犬百餘共一牢而食一犬不至諸犬不食

運水

銜磚

搜神記曰孫權時李信純襄陽紀南人也家養一犬名
曰黑龍忽一日於城外飲酒大醉歸家不及臥於草中
時遇太守鄭瑁出獵見田草深遣人縱火爇之信純臥
處北有一溪相去三五十步犬即奔往入水濕身走來
臥處周迴以身濕之獲免主人大難犬運水因乏致斃
於側俄而信純醒來見犬已死偏身毛濕甚訝其事周
迴覩火蹤跡因爾恸哭聞於太守太守憫之即命具棺
槨衣衾葬之今紀南有義犬冢高十餘丈聞奇錄曰
僧子提建靈隱高峰浮圖養一花犬每隨工徒銜磚置
於塔所又寺人於荒榛收得一石佛而少右耳犬即跑
古寺基深可三尺取

銜怒

代勞

夷堅志曰李元佐
在鄂州得襄間二

犬軀幹悍猛迥與他異命畜於後園慮其或傷人常加
維繫一日守卒暫解縱之使自如猶束其頸圖與禁營
柵為鄰垣不固營犬十數成羣競至其旁肆意侮齧襄
犬以頸索拘縻之故不能敵俱遭搏噬守卒擊逐羣犬

去而曳以歸後繫諸故處遂十日不食若恚恨狀然衆相與言此犬非儕輩可比反遭傷害今而弗食豈亦懷報復之志乎盍為去其縛使得逞憾以洩勝負食以為然乃縱之營犬望見謂如前可欺羣吠而至二犬奮迎之勢若猛虎之視羊豕或絕其咽或破其脅皆立死凡殺四五犬餘悉奔遁衆卒烹食死犬肉厭飫之外復以遺妻子經旬日顧念得肉之利又解縱如初徘徊抵毆略無一來者俄有兩虎龍顏大出不意而至雖持挺毆逐不肯退少焉客主各殞其一存者流血呻呼而散不越夕并死蓋四犬競鬪皆不獲免畜產銜怒不可解如此廣異記曰魏元忠嘗呼蒼頭未應犬輒代呼

負

米

銜飯

渑水熊詠曰楊光遠之叛青州也有孫中舍者居園城中族人在西州別墅城閑既久內

外隔絕食且盡舉族愁歎畜犬傍徨其側似有憂思者中舍囑之曰爾能為我至莊取米耶犬搖尾若應狀至

夜置一布囊并簡繫犬背上命犬曰水竇出犬至莊鳴吠居者開門識其犬取簡視之令負米還未曉入城如此數月以至城開孫氏闔門賴以不餒孫氏愈愛畜之後數年斃葬於別墅之南其孫彭年語龍圖趙師民刻石表其墓曰靈犬誌建寧志曰咸溪童鑄家畜一大一白一花共出一母性狡獪善知人意後白者雙目俱盲弗能進牢而食主家作草窩臥於簷外花者日銜飯吐而飼之夜則臥於其旁白者既死主憐之埋於門前山麓間花者朝夕往埋所繞數匝若拜泣狀臥其旁少頃始返

八乳

兩首

開窗括異曰秀

州魏塘邨方通判乳媪周氏臨安人有蔡公者負其錢最多屢索不還媪呼而責之蔡公言曰今歲再背約當為八乳牝狗以報未幾蔡死而方家因得一八乳犬媪常呼曰汝是蔡公耶即掉尾而前唐五行志曰神功元年安國獻兩首犬

乳貓

償鹿

乳帖曰李迥秀所居犬乳鄰貓中宗以為孝感陳隨隱

漫錄曰安晚鄭公私居青田府鹿食民稻犬噬殺之府
囑守黔犬主幕官擬曰鹿雖帶牌犬不識字殺某氏之
犬償鄭府之鹿
赤虎
白龍
波三國典要曰齊高緯以
足矣守從之

遥郡君飼以梁肉食縣邑常於馬上設蹬褥以抱之
晉書曰庾翼嘗令郭璞筮其後璞曰卿後並貴盛然有
白龍者凶微至矣後庾冰子蘊為廣州刺史其妾產犬
子不令蘊知狗長大蘊入見狗眉目分明而形異於眾
後失所在蘊慨然曰殆
白龍乎後為桓氏所滅
戴冠
取箭
楚客家畜一犬

一日忽戴楚客冠人立楚客怒曰畜類敢作妖僭越犯
分殺之犬作人言曰公亦作妖僭越犯分亦即見殺未
幾韋氏敗楚客被斬
三國典略曰北齊廣寧王孝珩
嘗畜一犬守外人不得近王每射令其取箭亦解呼召
左右牽
如狸
似狐
上詳白首注
周官曰士射豸
衣而進
候豸胡犬也似狐而小黑喙善

守

小狸

花鴨

南部新書曰鄱陽人張朝為猛獸所搏噬其家犬名小狸救之獲免三

水小牘曰僖宗朝宰相王鐸所愛卑脚犬曰花鴨有刺客匿於梁上為犬所覺而免

銜箸

登

木五代史曰契丹北有狗國人身狗首長毛不衣語若犬嗥其妻皆人能漢語生男為狗女為人自相婚嫁

穴居食生妻女食糗有中國人至其國妻使逃歸以箸十餘隻教其每走十餘里遺一箸狗見其家物必銜歸

則不能追矣木狗形如鬼車能登木其皮可為衣褥

善噬

性險

上詳狗二尹文子

南史下彬為禽獸凌錄云狗性險而屈

入衣

帶鈴

杜詩曰舊犬喜我歸低徊入我衣

宋詩曰犬帶金鈴臥落花

黃奴

雪童

清異錄曰耒陽廖習之家有一黃犬識人喜怒頤指

可使名曰黃奴習之嘗作歌云我家黃奴類黃耳

宋呂本中畜犬名雪童

東方烹

西

園弄

鄉飲酒禮曰烹狗于東方祖陽氣之發於此也漢靈帝熹平四年於西園弄狗著進賢冠帶綬以

為笑樂有一狗突出走入司徒府門或見之者莫不驚怪

袖稅狎

搖執呼

淮南子曰

削薄其德增累其刑而欲以為治無異袖稅而狎犬也稅杖也廣志曰屬賓大狗大如驢赤色數里搖執以

呼吠所怪應其主

楚詞曰邑犬羣吠吠所怪也論衡曰亡獵犬於山林犬呼犬

名則鳴號而應其主人犬異類聞呼而應者識其主也

割之猶蠕

動不可禁

淮南子曰狡狗之死也割之猶蠕蠕動也呂氏春秋曰飢狗盈宮漠然未見骨也見則動不可禁

蒙

蒙未視

呀呀而走

上詳狗二說苑柳宗元與楊誨之書曰盧狗之遇猴呀呀而走

顧險阻惟族者之從

辟惡

禦災

風俗通曰屬賓犬善守衛著以辟惡又曰太史公記云

秦始皇殺狗磔四門以禦蟲災今人殺白犬以血題門戶曰正月白犬血辟除不祥

豕交豺

跪

京房易傳曰夫婦不嚴厥妖狗與豕交陽雜俎曰狗豺之舅豺遇狗輒跪如拜狀

酉

禁殺

好屠

東坡志林曰今日廂界有殺狗公事司法言近新書不禁殺狗問其說出於禮卿飲酒烹狗於

東方不禁然則禮云賓客之牛角尺亦不禁殺牛乎孔子曰敝蓋不棄為埋狗也死猶不忍食其肉况可殺乎

軻好屠狗

抱臥

賦偷

顏氏家訓曰義陽朱詹好學家貧寒無繿被抱犬而臥犬

亦飢虛起行盜食呼之不至哀聲動鄰猶不廢業卒成學士為孝元所禮侯鯖錄滕元發少居鄉里寺中修

業一日烹寺犬食之僧笑曰滕先生能作偷狗賦即不申理其破題曰僧惟不淨狗也宜偷餅餌引來猶擺續

貂之尾索絢牽去難回顧兔之眸又云既欲思於實腹遂乃設於空喉空喉取狗器也

吠屠人

迎宿客

程氏遺書曰犬吠屠人世傳有物隨之非也此正如海上鷗耳杜詩犬迎曾宿客

噉胡麻

舐魚碇

好事集曰以胡麻麪噉犬則光黑而駿獵必大獲狐兔又可十歲盧延

讓詩饒犬舐魚碇

續貂不足

畫虎反類

晉書曰趙王倫篡位奴卒亦加爵位

每朝貂蟬盈坐語曰貂不足狗尾續馬援戒子書曰效季良不得所謂畫虎不成反類狗者也

配

人謝母

袁山松書曰光祿四年帝於西園弄狗以配人後魏書蠻夸傳云獠性若同禽獸若殺

其父求得一狗以謝其母不懷嫌恨又以大狗一頭買生一口

識喜怒

善猜警

上詳

黃奴注 婢雅曰狗善猜警非禮相凌則警吠

狼狐

又曰狗善警吠止禦又其性前趨故尾為狗

狂獫狁

雅音注獫狁音焚廣雅曰皆犬屬也

獲獲

翟獬

說文曰獲獲南越犬名也

工徹止穆天子傳狗名重

狗四

原無投骨

禮長者之前無投與狗骨

無使吠

詳狗一毛詩

狗監

漢楊得意

為狗監

狗盜

孟嘗君客能為狗盜

獠狗

淮南子曰鄭子陽剛毅而好罰舍人有折弓者

畏罪而恐誅則因制狗之警以殺子陽

玉犬

述異記曰濟陽山有麻姑仙處俗云山上千年則金

雞鳴玉犬吠

天公狗

幽明錄曰王姥黃龍中九歲病死自朝至暮復蘇云見一老嫗挾將飛見

北斗君有狗如獅子大深目伏井闌中云此天公狗也

海狗

海語曰海狗形如狗大如貓純黃色

常遊海背風沙中遙見船行則投海漁人以技獲之蓋利其腎也醫工以為即脰臍臍云

駁犬

唐舊

書曰波斯國多駁犬

天犬

山海經曰金門之山有赤犬名曰天犬下則天下兵起乃天狗之星光飛

流注而生所生之日或數十其行如風聲如雷光如電吳楚七國反時嘗吠過梁野

龍狗

見穆天子

傳注龍龍茸謂猛狗或曰龍亦狗名

犀犬

搜神記曰元康中婁縣懷瑤家忽聞地中有犬聲視之得

犬子雌雄各一長老云此名犀犬得之者富

狗五

原詩晉張華詩曰如黃批狡兔青骹撮飛雉鵠鷺皆盡
收鳬鷺安足視 增唐蘇拯獵犬行曰獵犬未成行狐
兔無柰何獵犬今盈羣狐兔依舊多自爾初跳躍人言

多挈攫常指天外狼立可口中嚼骨長毛衣重燒殘煙
草薄狡兔何曾擒時把家雞捉食盡者飯翻增養者惡
壯可嗟獵犬壯復壯不堪兔絕良弓喪 宋孔平仲狂
犬詩曰吾家有狂犬其走如脫兔撐突盤盂翻搜爬堂
廡汙逢人吠不止雞噪貓且怒固難在家庭只可守村
墅不見已半年意謂少懲懼昨日至城東搖尾喜若赴
銜衣復抱膝屢叱不可去一躍數尺高其強乃如故豈
惟性則然汝分亦天賦未聞有驂駟蹄齧豈中路安敢

攜汝歸重令兒女怖
梅堯臣犬詩曰常隨輕騎獵不

獨朱門守鷹前任指蹤雪下還狂走人思上蔡遲書寄

華亭後莫將呼作龍梁肉纔經口
蘇軾烏喙詩曰烏

喙本海獒幸我為之主食餘已瓠肥終不憂鼎俎畫馴

識賓客夜悍為門戶知我當北還掉尾喜欲舞跳踐趁

僮僕吐舌喘汗雨長橋不肯躡徑度清深浦浮游似鵝

鴨登岸劇虓虎盜肉亦小疵鞭箠當貫汝再拜謝厚恩

天不遣言語何當寄家書黃耳定乃祖
李至呈修史

錢侍郎桃花犬歌曰宮中有犬桃花名絳繒圍頸懸金
鈴先皇為愛馴且異指顧之間知上意珠簾未卷扇未
開桃花搖尾常先至夜靜不離香砌眠朝飢祇徬御牀
餽彩雲路熟不勞牽瑤草風微有時吠無何軒后鑄鼎
成忽遺弓劍棄囊瀛迢迢松闕伊川上遠逐龍輜十數
程兩皆漣漣似流淚骨見寒毛頓顚顚萬人見者俱傷
心微物感恩猶若是韓盧備獵何足嘉西旅充庭豈為
瑞聞君奉詔修實錄一字為褒應不曲白魚赤雁且勿

書願君書此懲浮俗 呂本中畜犬詩曰主人長年閑

柴戶終日閉雖云伴我嬾常有跋扈志端如在籠鶴又
若伏櫪驥舉首望道路久欲從此逝恨無陸探微寫此
獅子戲如何尚搖尾更作求食計 元貢性之題犬詩
曰深宮飽食恣狎獐臥毯眠羶慣不驚却被卷簾人放
出宜男花下吠新晴

原賦魏賈岱宗大狗賦曰余生處大魏之祚政遭王路
之未闢進不得補過之功退不得銜國之冊帝曰疇咨

近在朔易越彼西旅大犬是獲其頭顱也不可論以盡
其骨法也不可辨以釋傴僂踰踰雄姿猛相厄然高八
九尺形體如箭鏑象貌如刺畫毛踰紫豔光雙睂如白
璧時頻伸而振迅若應龍之騰擲爪類刀戈牙如交戟
間林獸之羣爭歛斷鏢而齧石逆風長厲野禽是覓鼻
鼻微香眼裁輕跡盼騰而奮怒揮霍而振鬣譬天梁折
地柱劈倒曳白象挫其腰齧掣六駁折其脊拓捺熊羆
破其胷拚抄獸頭斷其岷爪處如劒聲牙創似鉞刺視

其未死之間血泉湧如箭射於是驅麋鹿之大羣入窮
谷之峻厄走者先死往者被擊前無孑遺後無一隻然
其所折服敬主識人晝則無窺窬之客夜則無奸姪之
宵通聽百里夜吠狺狺若乃蠻夷猾夏列士異操輕視
單集人馬銜枚猛火先覺音聲正推竦耳側聽則恒山
動南向唯唯則霍山頽眈精直視則曾丘碗虓嚇奔突
則重閨開非吾畋獵之有益乃可安國家衛四鄰者也
昔宋人有鵲子之譽韓國珍其大盧彌明振之於巨燹

槃瓠受之於鑾都淪百代之名狗敢餘犬之能俱絕駟
鐵之獨矯云何盧令之足書 晉傅休奕走狗賦曰蓋

輕迅者莫如鷹猛捷者莫如虎惟良犬之稟性兼二雋
之勁武應天人之景暉順儀象而近處憑水木之和氣
鍊金精以自輔統黔喙於秋方居太素之內寓諒韓盧
其不抗豈晉焚之能禦既乃濟盧泉涉流沙踰三光跨
大河希代來貢作珍皇家骨相多奇儀表可嘉足懸鈎
爪口含素牙首類驪螭尾如騰蛇修頸闊腋廣前捎後

豐顙促耳長義緩口舒節急筋豹耳龍形蹄如結鈴五
魚體成勢若凌青雲目若泉中星轉視流光朱曜赤精
震如黃而懼宋鵲兮越妙古而揚名於是尋漏跡躡遺
蹤形疾騰波勢如駭龍邈朝烏之輕機兮絕猛獸之逸
軌漂星流而景屬兮逾窈冥而騰起陵岡越壑橫山超
谷原無遯兔林無隱鹿顧芷隰以嬉遊兮步蘭皋而騁
足然後娛志苑囿逍遙中路屬精萊以待蹤逐東郭之
狡兔既洋洋以衍衍逞妙觀於永路既迅捷其無前又

閒暇而有度樂極情遺逸足未殫抑武烈而就羅兮順
指麾而言旋歸功美於執綬兮其繁瓠之不虞感恩養
而懷德兮願致用於後田聆輜車之鸞鑣兮逸獨矯而
盤桓 增宋王禹偁園陵犬賦曰嘉彼御犬既良且馴
蒙先朝之乃眷向皇宮而託身有警蹕以皆從無起居
而不親繡絙飾以煒煒金鈴奮而振振飼以公庖彭澤
之魚兮曾何足道畜之土性西旅之葵兮詎得同倫健
逐天步慵眠地茵效珍比夫異獸供命等乎邇臣若乃

風暖掖庭花繁禁禦扇俟錦翼之雉籠近雪衣之女入
赭袍兮曳尾聞霓裳兮率舞循統乎金塘徘徊乎瑤圃
睥睨爐煙追隨蠟炬見觀書於乙夜聽求衣於未曙既
無吠乎投籤每夙興於曉鼓莫不默識聖心潛知天語
備指顧以弗迷奉周旋而見撫第辰遊而夕嬉又安在
乎逐麋而捕鼠彼宋玃之與韓獪又安得同羣而接武
者哉嗟乎事變人天時移今古秦皇采藥島中之士未
迴軒后鍊丹湖上之龍已去欠舐鼎以登仙對遺弓而

戀主臥錦薦兮罔安啗鮮食兮彌苦豐顙載減負重鉤
而不勝病骨其羸求敝蓋於何所赫赫顧命明明嗣皇
念犬馬之微誠義存始卒徵父母之所愛深增盡傷俾
守園陵之地且殊槃瓠之鄉縻索縊以璀璨琢龍檻而
熒煌仗陪鹵簿車逐輜輶鏤幽宮兮黯黯號白日兮茫
茫松阡夜月柏城曉霜依六尺之輿已成疇昔盜一坏
之土亦足隄防表終天之巨痛甘朽骨於龍岡狡兔盡
而見烹理殊炎漢駿馬死而陪葬事類皇唐

豕一

原爾雅曰豕子豬

江東呼為豨

豨豨

豨羊垂反俗呼小豨豨為豨子也

么幼

最後生者為么豚

大

一作秦

者

豨

音溫今豨豬短頭皮理腠蹙也

豕生

三

豨

宗

二

師一特

豕生子常多故取少者名之

所寢槽四蹄皆白豨

諫

其跡刺

絕有力

豨

音厄

牝

豨

巴

彘

五尺為

豨

大豕為

豨

今漁陽呼

豬大者為

豨

子

豨

公

也

許慎說文曰

穀

許卜反

小

豨也

腠

肫

生三月也

豨

公

豨

子

豨

公

豨

子

豨

公

反

豨

生六月也

或曰一歲曰

豨

豨

豨

豨

豨

豨

豨

豨

豨

豨

豨

豨

豨

豨

豨

三歲豕

豨

壯豕也

豨

豨

豨

豨

豨

豨

豨

豨

豨

豨

豨

豨

豨

豨

豨

豨

息也豢以穀圈養豕也

增廣雅曰頓丘梁彘

之陟反

重

顓盧獮

原方言曰豬燕朝鮮之間謂之獮關東西謂

之彘或謂之豕南楚謂之豨其子或謂之豚或謂之豨

矣

吳揚之間謂之豬子

何承天纂文曰梁州以豕為豬

之於反

河南謂之豨吳楚謂之豨

火豈反

漁陽以豬為豨齊

徐以小豬為獮

仕主反

獮覓

白豕黑頭也獮豕奏毛也

易曰見豕負塗

又曰坎為豕

詩曰有豕白蹢蒸涉

波矣

注蹢蹄蒸泉也涉水而起

禮記曰孟夏食菽與蔬

又曰凡

祭祀之禮豕曰剛鬣豚曰脂肥 春秋說題辭曰斗星

時散精為彘四月生應天理 山海經曰猫豬大者肉

至千斤豪豬狀如豚而白毛毛大如筭而黑端

郭璞曰豬猪也

夾脾有麤豪數尺能以頸上豪射物

增魏志曰挹婁在扶餘東北處山

林之間嘗穴居土氣寒於扶餘其俗好養豬食其肉衣

其皮冬以豬膏塗身厚數分以禦風寒 虞衡志曰嶺

南一種獺婦豬似山猪而小常瞰田禾惟以機軸紡織

之具置田所則不復近 五行傳曰豕畜之居閑衛而

聽者屬聽 崔豹古今注曰豬一名長喙參軍 孔帖

曰扶南人喜鬪豬 異物志曰鬱林大豬一蹄有四五

甲多膏買者以鐵錐刺其頭入七八寸得赤肉乃動

夏鼎志曰掘地而得豚名曰邪 空同子曰豕主食故

一乳十七八 天中記曰北狄渤海俗所貴者曰鄭頡
之豕

豕二

原論語曰陽貨欲見孔子孔子不見饋孔子豚 墨子

曰孔子窮陳蔡之間藜蒸不糗子路烹豚孔子不問肉
所由來即食之 史記曰子路性鄙好勇力冠雄雞佩
玃豚凌暴孔子孔子設禮稍誘子路後服委質因門人
請為弟子 增越絕書曰雞山豕山者句踐以畜雞豚
將伐吳以食死士也 原韓詩外傳曰孟子少時東家
嘗殺豬孟子問其母曰東家殺豬何以為其母曰欲噉
汝其母悔失言曰吾懷妊是子席不正不坐割不正不
食胎教之也今適有知而欺之是教之不信也買東家

豬肉以食之明不欺也 史記曰竇太后好老子書名

袁固問老子固曰此家人言耳太后怒曰安得司空城
旦書乎使固下圈擊豕景帝知太后怒而固直言無罪
乃假固利兵下圈刺豕正中其心應手而倒太后默然
乃罷之 漢書曰公孫弘菑川人少時為獄吏有罪免
家貧牧豕海上四十餘乃學春秋雜說年六十以賢良
徵為博士進丞相封平津侯 又曰郅都東海人景帝
時為郎嘗從遊上林賈姬在廁野彘入廁上目都都不

行上乃欲自持兵救賈姬郅都上前曰亡一姬一姬進

天下所少寧賈姬耶陛下縱自輕柰宗廟太后何上還

燕亦不傷賈姬 增洞冥記曰漢武未生景帝夢一赤

彘從雲中直下崇芳閣帝覺見赤氣如雲霞來蔽戶牖

乃改崇芳閣為猗蘭殿後王夫人生武帝於此殿 原

張璠漢記曰莎車王殺于闐王于闐大都未出城見野

豕欲搏之乃人語曰無殺我我為汝殺莎車將軍都末

異之即與兄弟共殺莎車王 東觀漢記曰閔仲叔居

安邑家貧不能得錢買肉安邑令候之問諸子何飯食
對曰但食豬肝屠者或不肯與之令出敕市後常買輒
得仲叔怪問其子道狀如此乃歎曰叔豈以口腹累安
邑耶遂去之 又曰吳祐年二十喪父獨居家無擔石
而不受贍遺嘗牧豕於長垣澤中行吟經書遇父故人
謂之曰卿二千石子而杖鞭牧豕縱子無恥柰君父何
祐辭謝而已守志如初 又曰梁鴻家貧而尚節博覽
無不通畢乃牧豕於上林苑中曾誤遺火延及他舍乃

尋訪燒者問所失悉以豕償之其主猶以為少鴻曰無

他財願以身居作主人許因為執勤不懈耆老見鴻非

恒人乃共責讓主人而稱鴻長者於是始敬異悉還其

豕鴻不受乃去續漢書曰曹騰父萌以仁厚稱鄰人

有豕者與萌豕相類詣門認之萌不與爭後所亡豕自
還其家主人大慙送所認豕并辭謝萌萌笑而受之

皇甫謐高士傳曰孫期濟陰人少為諸生治京氏易古
文尚書家貧事母至孝牧豕於大澤中以奉養焉遠人

往從其學皆執經壟畔以追之里落化其仁讓黃巾賊
起過其里陌相約不犯孫先生舍辟舉方正遣吏齎羊
酒請期期驅豕入草不顧司徒黃琬特辟不就終於家
董正別傳曰司馬徽字德操時人呼為水鏡嘗有人
妄認徽豬徽便推豬以與之後數日亡豬者得其豬既
以豬還徽乃叩頭自責徽又厚謝之郭子曰劉道真
少時嘗魚釣草澤善歌嘯間者莫不留連有一老嫗識
其非常人甚樂其嘯乃殺豚以進之道真食豚盡了不

謝嫗見其不飽又進一狔又食半餘半還之後道真為

吏部郎嫗兒為小令史道真乃起用之兒不知所由問

母而後知之於是齋牛酒以詣道真道真笑曰去去無

復相報 增晉書曰呂光死其子纂立有豬生子一身

三頭俄而呂超殺纂 伽藍記曰有劉胡者兄弟四人

以屠為業永安年中胡殺豬豬忽唱乞命聲及四鄰鄰

人謂胡兄弟相毆鬪而來觀之乃豬也即舍宅為歸覺

寺合家人入道焉 後周書曰陸逞為京兆尹都界有

豕生數子經旬而死其家又有殯豕遂乳養之諸豚賴之以活時論以逞仁政所致 隋五行志曰開皇末渭南有人寄宿他舍夜中聞二豕對語其一曰歲將盡阿爺明日殺我供歲何處避之一荅曰可向水北姊家因相隨而去天將曉主人覓豕不得意是宿客而詰之宿客言狀主人如其言而得豕 大唐新語曰太宗射猛獸於苑內有羣豕突出林中太宗引弓射之四發殪四豕有一雄豕躍及銓吏部尚書唐儉投馬搏之太宗拔

劍斷豕顧而笑曰天策長史不見上將擊賊耶何懼之
甚儉對曰陛下神武定四方豈復逞心於一獸太宗善
之因罷獵 祿山事跡曰安祿山嘗夜宴醉臥化為異
豬而龍首左右遽言之明皇曰豬龍也無能為者 盧
杞為虢州刺史奏言虢有官豕三千為民患德宗曰徒
之沙苑杞曰同州亦陛下百姓臣謂食之便帝曰守虢
而憂他州宰相才也詔以豕賜貧民 唐五行志曰元
和八年長安西市有豕生子三耳八足 又曰乾符六

年越州山陰民家有豕入室內壞器用銜椀缶置於水
次 陶穀清異錄曰偽唐陳喬食蒸豚曰此糟糠氏面
目殊乖而風味不淺 仇池筆談曰王中令既平蜀飢
甚入一邨寺主僧醉甚箕踞公欲斬之僧應對不懼公
奇之因求蔬食云有肉無蔬餽蒸豬頭甚美公喜問止
能食肉飲酒耶為有他技也僧言能詩公令賦蒸豚立
成云紫長毛短淺含臙久向山中食藥苗蒸處已將蕉
葉裹食時兼用杏漿澆紅鮮雅稱金盤飮軟熟真堪玉

著挑若把羶根來比並羶根自合喫藤條公大喜遂與之紫衣師號 淳化中京畿民牟暉擊登聞鼓院訴家奴失獬豸一詔令賜千錢償其直 冷齋夜話曰宋神宗一日見後苑有牧獬豸者問何所用牧者對曰自祖宗以來長令畜自稚養以至大則殺之又養稚者前朝不敢易亦不知果安用神宗詔付所司自是禁中不復畜數月衛士忽獲妖人急欲血澆之禁中卒不能致因悟太宗遠略亦及此 清波雜志曰宗寧二年三月一

日衛州獲嘉縣民某氏殺豬祭神而民劉氏獵犬得其
棄骨銜之狺狺四日不食剖視之其左牡齒臼中得一
如來像像如拇髻有珠如粟瞑目趺跏坐莊嚴畢具觀
者萬人 夷堅志曰岳飛門僧惠清言岳微時居相臺
為市遊徼有舒翁者善相術嘗密謂之曰君乃豬精也
精靈在人間必有異事然豬之為物未有善終必為人
屠宰君如得志宜早退步岳笑不以為然後秦檜下岳
於大理獄周三畏鞠之遇夜周往間行至鞠所一夕月

微明見古木下一物似豕而角周疑惑却步此物徐行
入獄旁小祠而隱經數夕復往月甚明又見前怪首上
有片紙書發字 纂要曰元順帝一夕夢大豕決城因
禁民畜豬及大兵至召百官議戰忽有二狐自內殿出
帝歎且泣命開建德門北去嗚呼豬者朱也天之示人
良亦顯矣 又曰正德十四年冬有旨禁約人民不許
養豬違者永遠充軍以俗呼豕為豬音同國姓且信佛
法也旬日之間遠近盡殺減價賤售小豬埋棄一時駭

異

豕三

原剛鬣

攢錐

上詳豕一禮記下見郭璞豪蕤贊

白頭

青爪

東觀漢記

曰朱浮與彭寵書責之曰伯通自伐以為功高天下往時遼東有豕生子白頭異而獻之行至河東見羣豕皆白懷慙而還若以子之功論於朝廷則為遼東豕也
養生要集曰豕白蹄青爪不可食也
長垣

澤

木蘭橋

上詳豕二東觀漢記襄陽耆舊傳曰木蘭橋者今之豬閘橋是也劉和李以此橋

近荻有葢菜於橋東大養豬襄陽太守皮府君曰作此豬尿臭當易名作豬閘橋耳莫復云木蘭橋也初如戲之而百姓
魯津伯
大蘭王
符子曰朔人有獻燕昭王大豕者令宰夫膳之

豕既死乃見夢於燕相曰造化勞我以豕形食我以人
穢今仗君之靈而化始得為魯津之伯也 下見袁淑
俳諧 四月生 期年食 家語六九五十四四主時時
集 豕故豕四月生 文子曰

先王之法也犬豕不期年不食

賜肩

齧脚

項羽賜樊噲卮酒彘肩
魏志關羽夢豬齧其

脚

交睫

去腦

周官曰豕望視而交睫
腥不可食 禮豚去腦

五縱

千

足

詩一發五縱
千足彘與千戶侯等

貨殖傳

宜稷

食糠

上周禮
糟糠薦食

蒸肫

獻豸

晉王濟性豪侈帝嘗幸之供饌甚豐蒸肫
尤美上問其故對曰以人乳蒸之上色不

平食未畢而去
詩經云獻豸于公

字誤

性卑

古人有讀史者云三
豕日渡河子貢曰已

齊卞彬禽獸錄曰豕性卑而率

掩豆

負塗

禮晏平仲儉祭先人豚肩
不掩豆 下詳豕一易經

為封豕

歸艾豕

吳為封豕長蛇

以薦食上國注封大也
緦注妻豬求子豬也喻衛夫人南子也艾豕喻宋朝也

傳曰既定爾妻豬盍歸吾父

牙剛暴

物貪婪

制豕之牙獷滑剛暴難
下見郭璞封豕贊

士不殺

人而啼

禮士無故不殺犬豕 傳齊侯田于貝丘見
大豕從者曰公子彭生也公怒射之豕人立

而啼公乃懼之

增嘗麥

調糠

月令曰孟夏農乃登麥天子
以燕嘗麥 秦豕者翁為調

糠而媼為之擇豕豈
愛豕哉利其肉也

銜脯

飲酒

漢書曰昭帝時燕
王宮永巷中豕出

圉壞都竈銜其脯六七枚置殿前 晉書曰阮咸至宗
人間共集不用杯觴斟酌以大甕盛酒圓坐相向大酌

更飲時有羣豕來飲其酒
咸直接去其上便共飲之

寢槽

入門

爾雅疏曰豬
所臥處名槽

槽是所居之處 客退記談曰豬突入人家以為不祥必割其耳王隆家方割豬耳適有神降於伍氏隆往問曰豬入門可乎神荅曰豬入門百福臻又問曰割其耳何如曰割其耳傷於失明日隆觀射果傷其臂里中異之自是人家惟恐豬不入門矣

食圈

舞圈

裏白帖曰紫姑每食於圈孔帖曰咸通七年

徐州蕭縣民家豕在園舞又牡豕多將鄰里羣豕而行復自相齒齧

破甕

繫杙

魏志曰有

人失婦求管輅卜之輅曰君明日於路覓擔豬者乃逐之行次豬忽繩斷走入他舍突破主人甕見其婦出看

豬擒之 埤雅曰大畜六五曰豶豕之牙牙者所以畜豶豕之杙也今齊東海岱之間以杙繫豕謂之牙杙音

也 犛

竭尾

俯首

埤雅曰犛也竭其尾故謂之豕又曰易說卦曰坎為豕坎性趨下

豕能俯其首又喜卑穢亦水畜也

五尺

千鈞

尸子曰大豕為豨五尺史記曰朔人獻

熊昭王以大豕王命豕宰養之十五年大如沙磧足如
不勝其體王異之命衛官橋而量之折橋豕不量又命
水官舟而量之其
重千鈞其大無用
化石 能水 水經曰靖鈴縣有石

子母數千頭長老傳言夷昔牧此一朝化為石今夷人
不敢往牧 三才圖會曰豕之性能水牧豬之所必在

水草 之交 與犬交 下馬搏 晉書五行志曰劉聰末年犬
與豕交有豕著進賢冠升聰

坐犬冠武冠帶綬與豕并升俄而闕死殿上
宿衛莫有見其入者 下見豕二大唐新語 喜雨

發風 埤雅曰豕喜雨故天將久雨則豕進涉水波
筵官會食資善堂東坡盛稱河魴之美呂原明問

其味曰直得一死再會又稱豬肉之美范淳
甫曰奈發風何東坡笑曰淳甫誣告豬肉 長孺善

相 商丘能養 史記曰留長孺以相彘立名 博物志
曰商丘子有養豬法好吹竽牧豬七十

不 償失火

還半直

上詳豕二東觀漢記後漢書曰朱穆嘗養豬有病使人賣之

語之云當買者言病賤取其直賣豬者到市即售亦不言病其直過價穆怪之問其故齋半直以還買豬者買者辭不受穆棄錢而去

膏塗身

毛織席

上詳豕一魏志河東備錄曰申王謂豬

既供餐不宜處於穢弊乃以狸龕粟粥待之取其毛刷淨令巧工織士癸席光而且滑

信難及

惡勿類

埤雅曰易曰信及豚魚豚微物而遁逸信所難及故也子華子曰子車氏之緹其色粹

而黑一產三豚其二如之其一則駁而白惡其勿類於己也齧而殺之其同於己也則字之惟恐傷也

名戰艦

畫屏風

梁王琳每戰勝艦則有聲如野豬其戰艦千數以野豬為名晉書曰韓

友字景先廬江舒人也舒尉鄧林父病垂死友為筮使畫作野豬著臥屏風上因是遂差

性觸突

喜車穢

服虔曰豬性觸突人故曰豬突驕勇下詳俯首注

養客舍

畜禁

中

三輔決錄曰馬氏兄弟五人共作客舍養豬賣豚故民謂之曰苑中三公鉅下二卿五門嘍嘍但聞豚聲

冷齋夜話

下詳系二

食梓肥

遇槐止

本草曰搗梓葉飼豬肥大三倍關史曰

咸通初有渤海僧隆多羅者寓於四明精舍能通老獸之言一日秋暑方炎與朝客數人將納涼於城西別墅路逢北豕引諸豚而行略略有聲一朝士戲云此豬有語否僧曰巨彘顧諸雖云行行向前樹陰下喫奶料其不遠當遇官槐而止且

老翁餽

司原獲

魏志曰管輅嘗至郭

飼羣子矣偵之果然

思家確上雞關謂思曰當有老人將豚一口從東來候公舍有小口傷亦無所苦明日果有親知老翁攜豚饋思恩射雞為餅逆前著小女子脚舉家惶怖竟無所害潛夫論曰今觀宰司之取士也有似乎司原之佃也

昔有司原氏者燎獵中野鹿斯東奔司原縱謀之西方之衆有逐豨者聞司原之譟也競舉音而和之司原聞音之衆則反輟己之逐而往伏焉遇夫俗惡之豨司原喜而自以為獲白瑞珍禽也盡芻豢傾囷以養之豕俯仰嗷嗷為作容聲司原愈益珍之居無何烈風興而澤雨作灌巨豕而惡塗淪遂駭懼真聲出乃知是家之艾豕耳此隨聲

畜致富

夢得官

州朝野僉載曰唐洪州有人畜豬以致

富因號豬為烏金又曰饒陽李瞿曇勲官番滿邈夜夢一母豬極大李仙藥占之曰母豬牝主也君必得屯主數日果

繫金鈴

偷檀履

志怪曰吳中有一士夫于都假還至曲阿塘上

見一女子甚美留其宿士解臂上金鈴繫女臂令暮更來遂不至使人求都無此女過豬圈見一母豬臂上繫金鈴搜神記曰李汾撫琴於四明山月夜有女子至端正無比惟覺口帶高緇黑色留宿極歡汾偷女子青

璽履一隻女泣求不與及明見鮮血滿地驗履乃豬蹄
殼也汾惶駭尋血至山前張氏園中見一牝豕後足已
剗一殼豕視汾瞋目咆哮如有怒色汾以事
白張叟叟即殺之汾即棄山院別遊他邑

祭社

襪田

劉貢父詩話曰張端為河南錄府當祭社買豬已
呈尹豬突入端廳即殺之更以白尹尹問端對曰

按律豬無故夜入人家主人登時殺之勿論尹大笑為
別市豬淳于髡謂齊威王曰臣見道旁有襪田者操
一豚肩斗酒而祝曰甌簋滿篝汙邪
滿車吾見其所持者狹所欲者奢

棄而聽經 驅

之入草

東觀漢記曰承宮少孤家人令牧豕徐子盛明
春秋授諸生宮棄豬而聽經下詳豕二皇甫

士傳

宗人說彘

監市履豕

莊子曰祝宗人玄端以
臨牢筴說彘曰汝奚惡

死吾將三月撻汝七日戒三日齋藉白茅加汝肩尻手
雕俎之上則汝為之乎為彘謀曰不如食以糟糠而錯

之牢窳之中 又曰正獲之問于監市履穽也每下愈
況穽大豕監市之履穽以知其肥瘦者愈履其難肥之
處愈知豕
肥之要 久費五穀 愛食薄荷 晉書曰愍懷太子
嘗從帝觀豕牢言

於帝曰豕甚肥何不殺以享士而使久費五穀帝拊其
背曰此兒當興吾家 洞微志曰僧辨聰遊五臺將還
京師有老僧託以書其上題曰東京城北尋勅賀分付
僧竊啓視之云度衆生畢早來苟更強住切恐造業復
封之至京尋訪不見其人一日於五丈河側見一小兒
逐一大豬名勅賀屠者趙氏豬能令羣豬不亂逸愛食
薄荷故以名僧試呼其名以書投之豬遽食其
書人立而化僧徑之五臺訪其老僧亦化去矣

食生

上詳豕一孔帖 孔帖曰南
詔尋傳蠻射豪豬生食其肉

豕四

喜鬪

原不知檢

孟子狗彘食人食而不知檢

不為禮

禮居澤者不以鹿豕為禮

增

黑面郎

承平舊纂曰桂林風俗日食蛙有來中朝為御史者或戲之曰汝之居乃蛙臺也御史答曰此

非蛙名圭虫而已然較圭虫之奉養豈不勝於黑面郎哉黑面郎謂豬也

烏將軍

幽怪錄曰郭元

振開元中下第自晉之汾夜行失道有宅門宇甚峻堂上燈燭而悄無人俄聞女子哭聲公曰人耶鬼耶曰妾鄉有烏將軍能禍福人每歲鄉人擇美女嫁焉父利鄉人之金潛以應選醉妾此室而去將軍一更當來公大憤曰吾力不能救將殺身以徇女未久車馬駢闐紫衣吏入復走曰相公在此既而將軍入公出揖曰聞今夕嘉禮願為小相將軍喜而延坐公取佩刀斫其腕而斷之將軍失驚而走天明視其手乃豬蹄也俄聞哭聲漸近乃父母舁輓而來將收其屍公具告焉乃令鄉人執弓矢尋血而行入大家中見大豬無前蹄走出而斃公

納其女為側室

烏鬼

嬾真子曰杜詩家家養烏鬼峽中士人夏候節云烏鬼豬也峽中人家多事鬼

家養一豬非祭鬼不用故於羣豬中獨呼烏鬼以別之

豬龍

東坡志林曰眉州青神縣道側有小

佛屋俗謂之豬母佛云百年前有牝豬伏於此化為泉有二鯉魚在泉中云蓋豬龍也蜀人以牝豬為母故以名之泉在石上深不及二尺大旱不竭而二鯉莫有見者余一日偶見之以告妻兄王愿愿不之信余不平其見疑復禱於泉上已而復出愿大驚拜而去

增詩宋梅堯臣詠豕詩曰司原豢俗豨日見容陰昵喜
比為白麟惟憂不豐溢烈飈澤雨作真聲向人出司原
悔何由肝膽空駭慄

原文宋袁淑大蘭王九錫文曰大永十年九月乙亥朔
十三日丁亥北燕伯使使者豪豬冊命大蘭王曰咨惟
君稟太陰之沈精標羣形於玄質體肥腴而洪茂長無
心以遊逸資養於人主雖無爵而有秩此君之純也
君昔封國殷商號曰豕氏業隆當時名垂於世此君之
美也白躋彰於周詩涉波應乎隆象歌詠出於人口經
千載而流響此君之德也君相與野遊唯君為雄顧羣
數百自西徂東俯歎沫則成霧仰奮鬣則生風猛毒必

噬有敵必攻長驅直突陣無全鋒此君之勇也

原贊晉郭璞封豕贊曰有物貪婪號曰封豕薦食無厭
肆其殘毀羿乃飲羽獻帝效技 又豪彘贊曰剛鬣之
族號曰豪彘毛如攢錐中有激矢厥體兼資自為牝牡
增啟梁庾信謝滕王賁豬啓曰奉教垂賚肥豕一腔白
腹見珍度遼東之水赤闌為重對襄陽之城忽降全恩
謹充炮烙孫弘牧於溜水惟以求錢卜式養於上林豈
知其味

貓一

增埤雅曰鼠善害苗而貓能捕鼠去苗之害故貓之字從苗貓旦暮目睛皆圓及午即旋斂如線其鼻端常冷蓋貓陰類也故其應陰氣如此世云薄荷醉貓死貓引竹物有相感者出於自然非人智慮所及貓亦如虎畫地卜食鼻頭冷惟夏至一日煖貓死不理於土挂於樹上格物論曰貓一名蒙貴一名烏圓及考爾雅注蒙頌即蒙貴捕鼠勝於貓則貓與蒙貴又似二物詩曰有

貓有虎 禮記曰迎貓為其食田鼠也 史記東方朔

傳曰騏驥騄耳飛兔驎駢天下之良馬也將以捕鼠於

深宮曾不如跛貓 尹文子曰使牛捕鼠不如貓狴之

捷 采蘭雜誌曰貓一名女奴 酉陽雜俎曰其毛不

容蚤蝨黑者暗中逆循其毛即若火星 范蜀公記事

曰鞭以箠馬愈久愈潤澤堅韌以擊貓則隨節折裂

鶴林玉露曰蘇東坡云養貓以捕鼠不以無鼠而養不

捕之貓余謂不捕鼠猶可也不捕鼠而捕雞則甚矣疾

視正人必欲盡擊之非捕雞乎 宋楊萬里詩曰朝慵
午倦誰相伴貓枕桃笙苦竹牀

貓二

增北史曰獨孤陀性好左道其外祖母高氏先事貓鬼
轉入陀家每以子日夜祀之貓鬼每殺人取其財物置
於所事貓鬼家鬼若降人則面正青若被牽曳陀後敗
免死 朝野僉載曰隋大業之季貓鬼事起家養老貓
為厭魅頗有神靈遞相誣告京都縣邑被誅戮者數千

餘家蜀王秀皆坐之隋室既亡其事亦寢 又曰薛李

昶為荊州長史夢貓兒伏臥於堂限上頭向外以問占

者張猷猷曰貓兒者牙爪伏門限者閫外之事君必知

軍馬之要未旬月除桂州都督嶺南招討使 舊唐書

曰高宗寵武氏廢王皇后及蕭良娣蕭罵武后曰願得

一日為貓阿武為鼠吾扼其喉以報今日即足矣武后

聞之不悅約六宮不許畜貓 北夢瑣言曰左軍使嚴

遵美閹官中仁人也嘗一日發狂手足舞蹈倚有一貓

一大貓忽謂犬曰軍容改常也顛發也犬曰莫管他俄而舞定自驚自笑且異貓犬之言遇昭宗播遷乃求致仕邵思野說曰江南二徐大儒也後主岐王六歲時戲佛像前有大琉璃餅為貓所觸剗然墮地因驚得疾而薨詔錯為墓誌錯謂鉉曰此文雖不引貓事但此故實頗記憶否鉉為疏二十事錯曰適已憶七十餘事鉉曰楚金大能記明旦又云夜來復得數事兄撫掌而已老學菴筆記曰秦檜之女小名童夫人愛一獅貓忽

亡之立限命臨安府訪求及期貓不獲府為捕繫鄰民
且欲劾兵官兵官惶恐步行求貓凡獅貓悉捕致而皆
非也乃賂入宅老卒詢其狀圖百本於茶肆張之府尹
因嬖人祈懇乃已 續已編曰景泰初西番貢一貓道
經陝西莊浪驛時福建布政使朱彰以事謫為驛丞使
驛問貓何異而上供使臣書示云欲知其異今夕請試
之其貓盛罩以鐵籠納於空室內明日起視有數十鼠
伏籠外盡死使臣云此貓所在雖數里外鼠皆來伏死

蓋貓之王也

貓三

增白老 雪姑

稽神錄曰建州刺史月下見七八白衣人長不盈尺男女雜坐而飲一人曰今

日甚樂然白老將至奈何因哭入溝中數月後罷官新政家有貓名白老於堂西得白鼠七八枚食之清異

錄曰余在輦轂至大街見揭小胸曰虞大博宅失去貓兒色白名曰雪姑

製名 獻議南

新書曰連山張大夫搏好養貓衆色備有皆自製佳名每視事退至中門數十頭曳尾延頸盤接而入以綠紗

為帷聚其內以為戲或謂搏是貓精網目曰朱泚軍中貓鼠相乳宰相常衣率羣臣賀崔祐甫曰可弔不可

賀因獻貓鼠議

洗面

拱手

酉陽雜俎曰俗云貓洗面過耳則客至續墨客揮犀曰鄱陽

龔見仲自言其祖紀與族人同應進士舉其家衆妖競作乃召女巫巫徐姥者使治之時尚寒有一貓正臥爐側家人指謂姥曰吾家百物皆為異不為異者獨此貓耳於是貓亦人立拱手而言曰不敢姥大駭馳去後數日捷音至二人皆高第矣

知妖異未必盡為禍也

帶金鎖

臥錦衾

酉陽雜俎曰楚州射

陽出貓有褐花者靈武有金叱撥青驄色者平陵城中有一貓常帶金鎖有錢飛若蛺蝶土人往往見之傳

奇曰成自虛雪夜於東陽驛寺中遇苗介立吟詩曰為慙食肉主恩深日宴蟠蛇臥錦衾且學志人知白黑那

將好爵動吾心次日視之乃一大駭貓兒也

虎威

鼠將

身相貓法眼用金要短面要虎

威聲要喊露爪能翻瓦脚長善走家面長難絕種尾大嫌如蛇又云耳薄不耐寒清異錄云貓名鼠將

過江投紙

就洞呼仙

北人嘗云貓不過揚子金山謂貓過金山則不捕鼠厭者至金

山時翦一紙貓投水中則不忌昔韓克贊嘗於汝寧帶
同一貓過江果不捕鼠山川紀異曰河南永寧天壇
山中巖有仙貓洞世傳燕真人丹成雞犬俱升仙
獨貓不去人嘗見之就洞呼仙哥則聞有應者

搏

鸚鵡

號麒麟

武則天習貓使與鸚鵡共處出示百官
傳觀未偏貓飢搏鸚鵡食之太后大慙

宋林希逸有戲
號麒麟貓詩見後

與裴諤

諷蔡京

開元傳信記曰
裴寬子諤素好

詼諧為河南尹有婦人投狀爭貓兒狀云若是兒貓即
是兒貓若不是兒貓即不是兒貓諤大笑判云貓兒不
識主傍我搨老鼠兩家不須爭將來與裴諤遂納其貓
兒爭者皆哂之宋有盧仙姑者指貓而問蔡京曰識
之否此章惇也
其意蓋以諷京

五德如雞

四季捉鼠

揮塵新談曰
萬壽寺有彬

師者善詭嘗對客貓踞其旁彬謂客曰人言雞有五德
今吾此貓亦有之客問其說曰貓見鼠不捕仁也鼠奪

其食而讓之義也客至設饌則出禮也藏物雖密能竊食之智也每冬月輒入竈信也客聞之為之絕倒貓口中三坎捉一季五坎捉二季七坎捉三季九坎捉四季言口內有九坎者能四季捉鼠也

眼如

一線

價直數金

一埤雅云近有人收牡丹圖者叢下有貓畫者曰此正午牡丹也何以明

之貓眼黑睛如線此正午貓眼也貓眼早暮則圓日漸午則狹長正午則如一線耳記事珠曰張搏好貓其一曰東守二曰白鳳三曰紫英四曰祛憤五曰錦帶六曰雲圖七曰萬貫皆價直數金

貓四

增詩宋黃魯直乞貓詩曰秋來鼠輩欺貓死窺牖翻盆攪夜眠聞道狸奴將數子貫魚穿柳聘含蟬又謝周

元之送貓詩曰養得貓奴立戰功將軍細柳有家風一

簞未厭魚餐薄四壁常令鼠穴空 蔡天啓乞貓詩曰

厨廩空虛鼠亦飢終宵齧齧近秋闌腐儒生計惟黃卷

乞取含蟬與護持 羅大經貓詩曰陋室偏遭黠鼠欺

狸奴雖小策勲奇扼喉莫訝無遺力應記當年骨醉時

張無盡貓詩曰白玉狻猊藉錦茵寫經湖上淨名軒

吾方大謬求前定爾亦何知不少喧出沒任從倉內鼠
鑽窺寧似檻中猿高眠永日長相對更約冬裘共足溫

林希逸戲號麒麟貓詩曰道汝含蟬寔負名甘眠晝

夜寂無聲不曾捕鼠祇看鼠莫是麒麟誤託生 陸游

贈貓詩曰裹鹽迎得小貓奴盡護山房萬卷書慙媿家

貧策勲薄寒無擅坐食無魚 林逋貓詩曰纖鉤時得

小溪魚飽臥花陰興有餘自是鼠嫌貧不到莫嫌尸素

在吾廬 劉潛夫詰貓詩曰古人養客乏車魚今汝何

功客不如飯有溪魚眠有毯忍教鼠齧案頭書 李璫

以二貓送友人詩曰家生入雪白於霜更有敲鞍似開

裝便請爐邊叉手坐從他
甌子自跳梁 又曰含蟬毛

色白勝酥掬絮堆繇亦不如老病毗耶須減口從今休
歎食無魚 金李純甫貓飲酒詩曰枯腸痛飲如犀首

奇骨當封似虎頭嘗笑廟謀空食肉何如天隱且糟丘
書生幸免翻盆惱老婢仍無觸鼎憂只向北門長臥護
也應消得醉鄉侯 明文辟乞貓詩曰珍重從君乞小
狸女郎先已辦璫瑜自緣夜榻思高枕端要山齋護舊
書遣聘自將鹽裹箸策勲莫道食無魚花陰滿地春堪

戲正是蠶眠二月初

增文明胡侍罵貓文曰家有白雄雞畜之久矣乃者棲
於樹顛而橫遭貓啗乃呼貓俾前而罵之曰咄汝貓汝
無他職職在捕鼠以茲大蜡古也迎汝不鼠之捕曰職
不舉而又司晨之禽焉是食計汝之罪匪直不職而已
也咄汝貓相鼠有類實繁厥徒或登承塵或撼戶樞或
緣榻蕩几或喻尊舐盃或覆奩孔櫝或齧圖褫書汝於
是時儻伺湏臾即不踰房閨而汝之腹以飫人之害以

除矣其或不然則但據地長號跑哮噫烏雖不鼠輩之
克殄而聲之所惛鮮不縮且逋矣而寂不汝聞杳焉其
徂吾不意汝窺高乘虛越垣歷廚緣幹超枝攀柯摧莠
而勞苦於一雞之圖鼠為人害汝則保之雞具五德汝
則屠之鼠也奚幸雞也奚辜雖則汝有不若汝無無汝
則鼠之害不益於今而雞之禍吾知免夫

增說唐韓愈貓相乳說曰司徒北平王冢貓有生子同
日者一母死焉有二子飲於死母母且死其鳴咿咿其

一方乳其子若聞之起而若聽之走而若救之銜其一
置其棲又往如之返而乳之若其子然噫亦異之大者
夫貓畜也非性於仁義者也其感於所畜者乎

增議唐崔祐甫貓鼠議曰禮記郊特牲篇曰迎貓為其
食田鼠也然而貓之食鼠載在禮經以其除害利人雖
微必錄今此貓對鼠不食仁則仁矣母乃失其性乎貓
受人養育職既不修亦何異於法吏不勤觸邪疆吏不
勤捍敵以若稱慶殆所未詳恐須申命憲司察聽貪吏

戒諸邊堠無失徼巡貓能致功鼠不為害

御定淵鑑類函卷四百三十六